

温州市图书馆

养拙斋诗十四卷

共 4 册 存 4 册 排架号 08021

温州市图书馆

索书号码 1022

登记号码 08192

共3册

温州市

序

君臣朋友之交莫篤於憂患若其艱危响濡相從顛連無足貴也困而得蘇窮而有歸去茶而茹飴斯可感念矣方昔咸豐已庚之時天下洶洶無百里坦途羣帥披昌而曾太傅尤無所投足余間關往建昌視之率從橫尸衣裙上過車曾率羸軍飢卒居城傍寒月漠漠如塞外沙霜慰問客車之窮則爲余具述地主齟齬州縣承風莫肯供支而曰此間縣令實賢能違衆而盡禮以長官事我則臨桂王君霞軒也其時二李兄弟李次青許仙屏俱在幕府又交口譽之且稱爲文人明日余詣焉果倜儻雋爽通達吏兵且過於所聞因請其新詩定交而別自是書問

酬贈歲數四及曾軍定江南余隱衡陽君早以才擢典大郡筭  
糧儲前之憂患人盡安樂矣然君自用文學才敏漸通顯俗吏  
不能喜又疏略揮霍不營生產及憂歸貧不能遂退服闋赴補  
要人以夙恩望君奢君裁餉書畫又非珍異以此隨例補安肅  
巡道邊遠老病未幾而卒方入都時道長沙猶步過敝廬談往  
事忽忽不歡及別遂不復通書問時曾太傅已前薨余山居圯  
於水復出遊蜀益不得意每念建昌之遊麻姑山翠城鐙幕柝  
詩酒往來尤可念也曾李爲中興元功當未柄用一尉得而侮  
之君始仕瘠苦小縣獨引大義敬禮客將及其賓從悉索敝賦  
豈以要利誠超識夷曠有物外之韻爾其時知府何君蓮舫亦

饒才藻下筆萬言與君相得同作除夕十六章太傅和之盛傳  
於時何君疏放自喜爲沈巡撫劾罷販鹽至太富其才氣不羈  
詩不持格律仙屏與鄧彌之友善專學杜子美太傅喜效韓退  
之閒溢衍爲黃魯直而君詩從容沖澹純於唐中葉之音由今  
思之雖居京師盛致才彥求如建昌寂寞愁苦中暇相唱酬豈  
可得哉豈可得哉余老矣不復爲文去年徇諸提督請作一文  
索千金長沙大怪而君弟實卿同年請序君集是不可辭今年  
君之子復以書來君之詩讀者自見之無俟余言輒書其所以  
不可忘者亦當世所不知之事爲詩家增聲價也甲午立秋日

王闓運序

... 金身... 不... 文... 手... 不... 翰... 令... 手... 文... 京... 運... 未... 收... 數... 昌... 殊... 寬... 慈... 苦... 中... 鄰... 昧... 鄙... 幽... 崇... 爲... 漢... 營... 直... 而... 下... 武... 論... 容... 中... 義... 赫... 試... 書... 中... 藥... 之... 音... 由... 令... 山... 輒... 興... 澄... 無... 如... 文... 善... 專... 學... 林... 子... 美... 大... 斯... 喜... 效... 韓... 文... 自... 喜... 爲... 武... 必... 故... 歸... 深... 體... 至... 太... 宮... 其... 本... 殿... 不... 殿... 本... 殿... 不... 準... 萬... 言... 興... 昏... 昧... 弊... 同... 第... 十... 六... 章... 太... 斯... 味... 之... 殿... 殿...

凡

如

温

如

養拙齋詩目錄

第一 北上集

起咸豐甲寅冬迄乙卯夏共古今體詩二百五十七首

為一卷

第二 過江集

起咸豐乙卯秋迄丙辰冬共古今體詩一百三十三首

為一卷

第三 豫章集一

第四 豫章集二

第五 豫章集三

第六 豫章集四

起咸豐丁巳迄同治甲戌共古今體詩六百五十六首  
附錄八首爲四卷

第七 北上後集

起光緒丙子冬迄丁丑春共古今體詩一百三十二首  
附錄二首爲一卷

第八 度隴集

起光緒丁丑夏迄秋共古今體詩一百三十六首爲一

卷

第九 酒泉集一



第十 酒泉集二

第十一 酒泉集三

第十二 酒泉集四

第十三 酒泉集五

起光緒丁丑冬迄辛巳冬共古今體詩七百六十五首  
爲五卷

第十四 篋餘稿

咸豐甲寅九月以前作共古今體詩一百十四首爲一

卷附

右詩七集十四卷二千一百二首男 維翰 鵬海 鵬運

鵬豫 維禧謹編次校刊光緒十六年九月開越十九年

十二月成

古今詩話

卷一

詩話

古今詩話

卷二

詩話

卷三

詩話

溫州

溫州

養拙齋詩第一

臨桂南王必達干質夫

北上集

出門甲寅

蒼莽時猶亂遲徊仕爲貧敢存肥遯志更作遠遊人姓氏懷循吏箴規秉老親男兒重弧矢休自歎勞薪

五嶺風霾暗孤城草木譁如何逢歲暮竟欲去天涯落葉瀟湘棹飛塵京洛車艱難行路日回首更思家

生從憂患得懷莫晏安耽書劍兒時學功名壯歲慙涓埃期自効禍亂待人戡投筆朝明主臣心貴不貪

野曠天飛雪江寒夜有霜著鞭從此去稅駕問何方世未占平  
陂人還說顯揚時清山澤好異日任徜徉

甘棠渡

郭外嵐光遠送人何年重見碧嶙峋衡山風日西山雪且喜乾  
坤眼界新  
脩竹猗猗青媚川高榕鬱鬱綠參天渡頭風景皆如昨只覺情  
懷異往年

野燒

烈焰騰騰遠嶺閒無才敢賦陸渾山天南荆棘三千里誰作虞  
衡一炬刪

自大榕江至全州途中作

辭家渡清灘灘水三尺深傍有丹楓樹搖落增離心何不乘輕舟一日還故林去去涼風急波濤觀洞庭

棕櫚森孤芳脩篁弄清響林於日影穿禽聲忽下上停輿此流憇便有濠濮想愧我非沈冥安能愜幽賞

巖關古戰壘地險控桂州征夫向夕至暗暗白日收散步望平野草樹何颼颼伏戎禍未已蠢爾須虔劉謀國有偉人定築籌邊樓

鐵馬門前馳狺狺羣犬聲山郭深夜譁草木皆爲兵我卻復且前不憚崎嶇行殘月與朝陽明滅如送迎徒手無尺箠旅魂空

自驚

蓬髮妻隨夫垢面父携子力微坐道旁涕泣揮不止欲寫此離情愧乏風人旨令我摧心肝茫茫百憂起

危橋高數尋下俯溪流深清風颯然來吹我傾衣襟舉足不敢放戰慄猶難任安得學道者時時存此心  
古木森似人野禽啼類怪昔年過板山奇景至難話暮天復縱目斜陽一輪掛窮探闕幽境意比曩時快同懷隔千里怒焉獨深喟

行李向天涯難逢惟骨肉仲弟偕我行人事變隔宿况復烽火興輪蹄碍馳逐風雪將蕭騷關河益紆曲一身迢迢去誰與慰

幽獨鵲鴿快飛來斜陽掛空木

路旁匍匐者哀哀乞一錢役夫頗不馴疲勞無息肩覩此蚩蚩  
氓情狀皆可憐奈何爲賊驅怙惡遂不悛渤海誰能治慨懷古  
人賢

高嶺有流泉娟娟環珮聲縈紆注陂澗分爲數道鳴其下千畝  
田方冬田水盈如何翟子威不曉黃鵠情迺知鑿渠益休道在  
山清

飛虹失江濱蒼茫付一火烈焰遂燎原長江寒不鎖平沙餘折  
戟暮天自淡沲時危思英雄快爲殲么膺慨然廣武山阮生情  
異我

長松夾古道豁達生天風吹我向山城暫停萬里蹤離別在艱  
危能不憂心忡回首望高堂蓬蓬雲氣中飢渴非所怨好爵非  
所崇行矣勉自持江湖浩無窮

全州

白鶴歸來問故鄉空餘城郭對斜陽菰蘆江岸秋聲急苔蘚山  
門野色荒元老旌旗揮慘澹神州鎖鑰墮微茫忠魂毅魄丹青  
上欲薦蘋蘩錡釜香

鼓角中宵騰羽書百蠻兵氣未消除荒城險要軍儲薄小邑逃  
亡戶口虛行旅南來風鶴裏關山東去雪霜初烏篷載酒匆匆  
發千里清湘畫不如



柳浦

維舟盡日碧湘濱  
湘上青山似笑人  
一片風烟辭故國  
十年簑笠老吟身

朋友朋零落落  
回首子方宦滇南桂舫宦山右容安冬生居里門皆十載前同舟經此者

詩句荒涼只愴神  
此去鼓鼙聲漸息  
楚天緜邈倍思親

過稻子灣憶龍廉村師

河山舉目尚依然  
梁木傾頽倏幾年  
執轡風塵兼父事  
論文几席獨心傳

人師豈遜林宗美  
私誅難彰柳下賢  
猶記停橈情緒

惡孤篷殘燭雪濤邊

出永州河口

烟際水禽飛孤帆  
帶落暉江從遠天  
合人與故鄉  
違遠勢雲夢

濶流風屈賈微蘋花秋兩岸猶憶昔年歸

江濱斑白叟尙說柳侯賢况我懷前哲相思對暮天雄文韓筆  
抗善教楚材全後起誰能繼滄波去渺然

永州河口阻風

零陵遠接洞庭波木落風號讀九歌暫駐蘭橈一回首故鄉猶  
近白雲多

嵐光不見九疑青靜掩烏篷醉復醒懷古欲尋湘口館白風惡  
浪晝冥冥

烟雨瀟瀟楓樹林騷人悽惻別離心中宵知是湘靈過一片風  
濤哀怨音

江上羈情入夜添新寒千里朔風嚴家人此夕懷行役花晃銀  
燈早下簾  
觀涪溪摩崖並謁元顏二公祠

敗葉吟高柯荒亭墮碧瓦獨有文字尊彪炳陰崖下鉅筆冠有  
唐名山壯揮寫宜州後來秀論世不少假流輝在忠孝豈是誇  
風雅征橈我重停歲月波濤瀉壁間昔留題少年頗侈哆名微  
何足道湯漉知我寡升高舒心顏長風忽飄灑古人定可師莫  
作悠悠者

颼颼啼寒林雲重天欲雪肅肅登祠堂凜凜拜高節二公皆天  
人相得占兌悅志峻憑涅磨名高屢摧折懷抱雖未盡勳猷迥

不滅時艱今慘澹宏濟望所切下士辭邱園一命慚驚劣躊躇  
空山中高風仰前哲建樹詎敢期要欲存迂拙澗溪採蘋蘩持  
表寸心潔

湘中雜詠

柔艣呬唔夢裏行夢回聽得楚雞聲山川初入零陵郡斑竹蘋  
花已有情

武子高談功效虛老人圯上豈傳書推蓬自愛青山好峭壁平  
流夕照初  
寒鎖篷窗曙色分雙橈暗撥水泔泔雞聲呬喔來何處知有人  
家隱白雲

每憶襄陽孟夫子  
槎頭垂釣苦吟詩  
清樽美酒鱖魚熟  
可似高人乘興時

詩才郊島合爲鄰  
剩得江頭片石新  
一代品題推藻耀  
果然持

正是文人

皇甫湜詩只悟溪刻石一首其詩美元結之文足與陳子昂輩相頡頏

逢背淒迷夜有聲  
朝來微雨一帆輕  
空林落葉瀟瀟下  
絕壑寒

雲細細生

金錢昨夜卜刀環  
燭炮鴛鴦繡幕閒  
江雨江烟侵曉發  
愁心更

對望夫山

望夫石在祁陽北二十餘里

白雪梅花夢醒初  
牙籤欹枕展徐徐  
一篇借比荊州易  
不是中郎帳裏書

芙蓉落盡遠烟多向晚茫茫湧綠波不信江皋有兵氣舟人來

往叩舷歌

時聞常甯有賊

黛色霜皮翦翠崖風烟無復護崔嵬斧斤聲裏扁舟過始信牛

山涕淚哀

柏坊塘上一山林木叢茂舟人謂之沈香山今摧爲薪矣

江潭衰柳特多情猶自青青送我行蕭瑟鄉關怕迴首新愁勝似庾蘭成

巴陵白浪去茫茫雲氣遙連江漢長試倚舵樓東北望嫖姚鼓

角起斜陽

推篷忽訝雪飛花昨夜微雲吐月華鐵甲凝寒茅屋破漫將詩句鬪尖叉

迴雁峯低夜放船離家初見月輪圓疎星漁火滄江上香霧清

輝翠幔前

酒醒深宵何處鐘數聲縹緲出遙峯寒衾獨戀愁無寐逢背霜

花比雪濃

絕頂昌黎大筆濡千巖萬壑雪晴初火維妖怪今尤烈默禱明

神迅掃除

三策翻然王業開士元驥足展風雷耒陽百里如能治更是當

時不器才

龐統曾爲耒陽令

西辭巴蜀泝風烟杜老詩情壯暮年花石空靈何處是高吟重

對舊山川

子美有花石戍空靈岸諸詩晚入湖南之作也

荻葦烏林一炬紅  
援枹不仗大王風  
故人凜凜勳名建  
白馬銀

溥雲氣中

謂褚夏兩君子

秣陵風雨揚州月  
翠拍紅牙響久沈  
湘水多情樓閣好  
尙餘絲竹動人心

蘭篝無燄雪紛紛  
瑤瑟聲哀夜半聞  
無數蛟龍傍舟舞  
枕邊寒

浸洞庭雲

湘潭阻雨三日

朝來微疴擁重衾  
卧聽書生洛下吟  
莫把麤才誇石勒  
果然健筆賞陳琳

斜陽江上孤帆影  
一片山如故國青  
昔日潭州詩興好  
劫灰黑

後更揚舫

斜陽二語余丙午過長沙所作



蒹葭瑟瑟水天長舟子停橈指戰場莫道回谿曾折翅黃龍青

雀下潯陽

靖港去長沙六十里今歲四月曾侍郎水軍敗於此頃聞收復九江矣

遠岼疏林是橘洲此閒小隱抵通侯李衡長策無人學漠漠江  
雲萬里舟

湘源鼓柁到湘陰水作離聲嗚咽吟一夜明燈照江郭重湖不  
及旅懷深

魚龍汗漫十年遊雲夢羅胸隘九州雪後東風片帆穩題詩更  
上岳陽樓

湘上晚泊憶子宣五河

怪石危灘徹夜鳴旅人欹枕遠懷生時危已作三年別親老俱

爲萬里行小邑帆檣浮鱷浪孤篷風雨送雞聲相期努力艱難  
日憂樂江湖共此情

豺虎江鄉欲啣人蕭條三管徧荆榛汝方捧檄河梁遠我更辭  
家涕淚新陟岵同懸遊子念對床重訂異時身清淮片月今宵  
冷知否征橈泊水濱

書來官閣話離衷勸我車乘下澤中霄漢何心逐黃鵠沈寥無  
處寄冥鴻大江樓櫓浮雲白故國旌旗落照紅此際孤帆指天  
末蘆花楓葉感飄篷

振衣濯足氣嶙峋軒冕泥塗重此身十上豈知逢世變一官太  
息爲家貧文章壯歲曾何益旗鼓中原自有人惟願東風花滿

郭昇平詩禮奉吾親

衡山縣望南嶽

凍雲開楚天峯峯抱朔雪湘流紆且駛眾壑條明滅荒城杳靄  
間林於指一髮屹然老人尊拄杖頭初白依依望山靈嚮往不  
忍別峻極何年登終身慕高潔

泊鑿石浦步杜老韻

放橈出瀟湘渟泓水石麗故鄉去未遠離亂羈魂繫豺虎猶縱  
橫蜩蟬頗叢嘒荒榛原野暗浮雲城闕翳危邦誰能扶庶幾東  
里惠行邁辭邱園風雪愴暮歲平陂應可占蒼茫問豕繫

詩翁出三巴窮老詩愈麗平生感艱危鴻章日月繫回視齊梁

人繁聲徒嘒嘒我生乏文采遭時復荒翳皇天肅殺久應施雨露惠天河定可挽甲兵洗今歲後先有同情孤舟重一繫

一宿河詣黃暢生太守姑丈家兼謁其墓

江上楚雲迷茅簷一桁低家人安老弱先壟接東西戎馬時危踐艇艇日落啼無慚清白吏枯苑物堪齊

白魚磯夜泊

孤雁入長天茫茫萬里船魚龍迴靜夜蘭芷送華年鄉思隨雲

遠吟身傍月圓回頭期十載有約在林泉

與黃韋諸君子夜話共期宦海十年即當

歸養有莫忘白魚磯畔語十年有約賦歸來之句

湓浦下艨艟斜陽錦旆紅中原思士雅江左兆阿童龍虎羣才

集桓蒲懋賞崇飄然五湖上一葦嘯天風

洞庭湖棹歌

青竹驛前斜照殘蘆林潭下白波寒放橈初入平湖去已覺乾  
坤氣象寬

白鷺聯翩上釣磯冥鴻寥廓入斜暉扣舷來往風波惡不及沙  
禽自在飛

岸濶沙平風怒號江豚欲上鼓銀濤掛帆纔過黃陵廟孤塔撐  
空百尺高

菱歌漁唱度遲遲湖上霜寒月落時不是侍郎乘畫舸拍天風  
浪颭旌旗

虎瑟鸞車碧漢迴  
霓旌肅肅水雲隈  
船頭擊鼓陳牲醴  
喜有神

鴉拍翅來

晴嵐天外引揚舫  
又見君山一片青  
回首中流看磊石  
祇餘烟

靄翠冥冥

磊石山在湖心去君山將百里

岳州進棹作

蛟螭夜躍辭重湖  
曉日欲出天模糊  
岳陽高樓跨碧漢  
大江如

練當前鋪由湖沂  
江不十里此間百戰風  
濤粗我昔參戎讀羽

檄三楚告捷時飛符  
水溫山赭壯揮寫元戎  
大筆淋漓濡湘潭之戰

以火攻勝水溫山赭四

今朝一舸觀舊壘  
中流擊楫憑歌呼  
桓

桓褚夏真丈夫  
艤艫轉鬪麾貔  
貙沅湘萬頃攝威令  
一蹶乃隕

字曾侍郎奏牘中語也

千鈞軀故人建樹克如此令我氣壯思馳驅李侯繼來復材武  
少年談笑追孫吳潯陽江頭夜斫賊妖氛快豁金陵都嶠西寮  
屬天下無冀北之野空名駒希文老子晚秉鉞網羅俊傑同匡  
扶有如舉士得城父管子不啻親援枹手把毛錐屢欲擲力弱  
難荷丈二爻烽火江鄉久黯澹塵霾河洛猶艱虞飄然縱棹竟  
何適巴邱雨雪長踟躕往歲樓頭頗恣橫玉簫玲瓏酒百壺美  
人清歌不再得蕭蕭劫火餘菰蘆山河舉目百感集掛帆遠去  
吟懷孤

自岳赴荆泛舟江中作

我從瀟湘放舟出丹楓扶疎翠竹密沂江一舸辭巴陵枯葦連

雲太蕭瑟沙頭人家時兩三敗柳棲鴉照寒日高吟強欲排荒  
涼岷峨萬里天蒼蒼

北風掀天舞澎湃白浪如山終日戒今朝雪霽風南來滄江路  
轉帆不開人生遭際每如此難向君平問行止我心空洞如虛  
舟魚龍一任喧中流

江岸昏昏少人跡三冬水落崩沙積小艇時跳白白魚平田那  
刈青青麥窮黎生產殊蕭條官長理荒有何策我軍前日收宜  
昌濱江稍喜無逃亡

舵樓東望天模糊直下便抵金陵都雲霾龍虎鍾阜暗篝火夜  
夜鳴妖狐兩軍合圍仰韓范快占折首伸天誅山東劇盜尙稽



死莫令潰突爭先趨

中丞巖巖民所望頗牧威名孰與抗如何剽悍恣跳梁終倚託  
謨作保障辭家遠遊歲云暮可有冰霜滌炎瘴晚來江上思南  
天目斷落日孤雲邊

長淮風靜帆檣高都憲坐鎮收驚濤瀟瀟須旌旗色亦壯軍中統  
帥多人豪皖公山色青縹緲何日雲帆風嫋嫋同懷濶別經幾  
秋對床翦燭銷離憂

風塵污人百憂集一從王事身汲汲天公知我不能間遲遲留  
我雲水灣新詩獨吟寫胸臆良朋高論開心顏床頭凌亂書百  
軸惜未中山十年讀

萬木凋枯大川狹猶有虬螭奮鱗甲春來灑瀕大如象誰敢擎  
舟上三峽酒酣懷古中流歌征南幾輩樓船過白帝高城渺何  
處滔滔千載風雲多

一葦沿江西未已落日迎人墜江水鸚鵡杯乾詩屢題鷓鴣裘  
薄病新起今宵月白天河寬高吹玉笛消清寒茫茫今古自代  
謝逸興颺入青雲端

舟中小疾欹枕兩日

那得潛夫論垂垂紙帳深床頭擬穿膝座外學安心人語中宵  
寂鄉愁到曉侵遂初何日賦芝朮故山尋

有弟餐能勸無醫藥自投容衰時攬鏡僕慙屢添裘北極馳驅

日南山射獵秋翻然起梳髮磨蝎不須愁

調關夜泊

疎林遮不斷一片好山青雲氣吞鄢郢湖光枕洞庭江豚來躍  
躍塞雁去冥冥暮靄滄江上愁多酒易醒

明月大江橫危檣五兩輕羈人南國遠永夜北風生葭葦蒼烟  
色鼃鼃白浪聲渚宮何處是懷古句難成

十二月十八日石首縣逢春

今年人日春酒香草痕迴碧含芬芳疾風甚雨晚始霽甲兵未  
洗歌慨慷歲晚扁舟去鄉國又在天涯見春色章華臺遠雲冥  
冥吟詩呵凍筆不停紅旭烏篷倏晴暖渚蒲沙柳都青青江行

頗覺韶光早仍聞鼙鼓傷懷抱戰艦應乘瓜步潮吟鞭更指夷  
門道故園梅花開未開一冬雪片幾徘徊辛盤綵勝東風裏定  
說遊人何日回

江行風順舟膠於沙夜始得脫

岷江西極來厥流勝漢沔驚湍下夷陵長天共舒卷我占涉大  
川峩峩乘巨觚篙師祈南風檣烏日日辨清晨布帆飽投纜喜  
盈眄迢迢章華臺百里只俯俛歛然舟忽停爰叶濡沙淺有如  
御戎車還湓旆旆掩誰能掀淖出武臣等虓闕舟子貌猙猛差  
亦侔乳贖十夫心競奮千篙勢莫展解衣臂爭掉涉水足雙跣  
寒極詎不龜猛甚或裂睥推輓竭其才尺寸未能免鄰舟破浪

至將伯義不舛兩軍齊併力斫陣健兒勔觥觥索百盤闐闐聲  
一喊力誇搏象全氣憫吳牛喘如鼎不可扛如山不可轉小憇  
且慰勞瓶罍酌清醲恍然軍蓐食重期整鞞斯時長飈利連  
檣去冉冉扣舷欲高歌徒見波光激榜人鳴鉦起此舉定出險  
呼聲動青冥波濤爲之颭孰知萬虵蜉大樹終難撼江心早昏  
黑明月隱遙巘矢窮援絕時徒旅手空斂三老無如何淒然淚  
痕泣事窮機智出吾儕識生膽黃侯人中豪形勢旁熟覽詔以  
進退法掉尾一竿點強弩倏離弦徑穿魯縞輒何須矜盪舟居  
然脫坎窞快心出不意陶陶盡一莞非惟恃人謀真疑有鬼瞰  
遠岸燈熒熒中流雲黯黯迴看五兩輕猶自凌空閃明朝片席

舉洪濤尙足犯聽曲遊郢中尋碑上羊峴艱虞斯世多順適由  
來鮮遭逢任外至忠信夙所勉

荊州早發

英雄千載事悠悠鼓角邊聲壯郡樓遙指鄖襄重策馬飽吞雲  
夢乍維舟岸容山意春初轉井鉞參旗戰未休京洛蒼茫故鄉  
遠聞歌無那郢中遊

荆襄道中偶成

荆門原野秀春早麥苗低遠嶺雲霞淺遙村竹樹齊道傍晨卧

犢屋後午聞雞父老爲余說今方息鼓鼙

客路貂裘黑宵征蠟炬紅新詩成馬上殘夢入家中樹暗雲橫

驛星稀月掛空漫漫思扣角去去慨飛蓬

團林鋪曉發極早

岡嶺路迴環孤城萬仞間風濤迎沔水巖壑斷荆山寒菜連畦  
秀垂楊拂地閒似聞烽火後戶口未全還

悠悠行路口都說未銷兵赤縣欃槍氣黃州鼓角聲羽書飛電  
急荒徼陣雲生稅駕知何地鄉關心倍驚

荆山鎮南服奇秀崿衡山我自衡陽至蒼茫盡楚關高峯晴雪  
外疊岫綵雲間翠色中州接嵯峨未許攀

濮議紛紜後如何璫芻興日星懸大禮風雨剩孤陵石馬荒山  
草金鳧大隧燈當年歸舊邸萬騎極軒騰

曙色宣城縣天寒北郭開昔人誇美酒我亦倒金杯藹藹春疇

闊滔滔漢水來大堤兒女近亂後

保境坐談客稱兵吳老公千秋幾成敗當代亦英雄埤垝春生

草旌旗曉颭風誰知爭戰地栖隱鹿門翁

纔倚岷江棹重觀嶓冢濤西南形勢壯今古旅遊勞水竹漁梁

近雲煙峴首高明朝快登覽覓句興猶豪

樊城度歲用東坡除夕常州韻

白銅隄唱曲聲悲芳草梅花春意微湖海未平何處憇風塵初

出幾時歸灘江雨雪軍容黯淮浦雲濤遠信稀差喜天涯有同

氣寒燈永夜對依依

一官纔得壯年徂此際名場是畏途江漢西南增客思關河日



夜走軍符鄉園春好難容膝旅館詩成乍撚鬚去歲稱觴心最  
樂遙天信到進屠蘇

宿呂偃驛

乙卯

習家池上醉飛觥別騎驕嘶又遠征短堠長亭如舊識柳條榆  
莢亦含情昆陽地近風雷壯梁苑春歸雨雪輕近日中原稀格  
鬪看花且喜入瑤京

襄陽四詠

巖瀨風將息先生去不還攜家吾欲隱安得鹿門山

龐公

虛名終寂寞休怪昔人悲峴首山如故蒼蒼漢水湄

羊公

接羅池上倒酒侶託高陽心事何人識并州有葛彊

山公

詩品邁高岑烟霞出語深後人吟五字先合洗名心

孟公

新野書所見

緩緩休歌陌上花春風並載只牛車人間荆布家家好何必神仙陰麗華

南陽道中

正據成皋險來收宛葉兵豎儒工計畫隆準實縱橫山勢嶢關峻川原楚國平子孫能奮迹大業中興成

劇秦如不作難望執金吾佳氣春陵郭天心赤伏符巾車逢大將新野得名姝却笑公孫輩紛紛妄且愚

列宿從天降衣冠聚一方雲煙圖眾傑雷雨助真王附鳳攀龍

日高車駟馬鄉於今過白水惟見麥苗長  
萬古真名士長吟抱膝初不逢昭烈顧定與幼安居清渭風雲  
壯高岡竹樹虛平田春盡綠想見輟耕餘

南陽道中念子宣五河

名山桐柏青峩峩淮源乍湧清無波日夜東馳滙沂泗祁支縱  
鎖驚飈多吟懷我騁南陽道咫尺胎簪晴翠繞却念臨淮汝久  
居蒼茫高堰兼洪湖兩地相望三千里渺渺雲烟通一水愁心  
欲寄到君邊天寒水涸無雙鯉合肥戰壘千重環瓜州鐵騎風  
濤聞書生投筆治豈易烽火况復驚鄉關艱難我更辭家走匣  
中寶劍蛟龍吼封侯骨相知如何佳節思親並回首時方僧伽

高塔入寥空孤城遙對曙光紅蒲帆準擬揚渦口別後情懷一笑中

襄城有警自葉縣迂道舞陽

馬首之東去郊原浩蕩春花鈿新歲婦短褐太平人盎盎垂楊  
茁青青薺麥勻如何廢田穡揭木有風塵

赤子真無識潢池竟弄兵地形連許下山勢斷方城須示張弧  
利纔知買犢耕葉公誰繼起徧得悅來情

涉汝水寄子宣

汝水出魯陽迢迢赴清淮淮濱古朮縣邑小雲烟佳中有學道  
人彈琴坐江郭不見今三年望遠心脈脈今朝乍涉汝殷勤詢

賈船去地尚幾何答云路一千便欲沿流東長風送輕權排闥  
不期來一握粲然笑百端羈紲多此願酬未能飲馬行徬徨徒  
使憂心增憶昔孩提時庭闈日携手成人年既壯各向天涯走  
慨然吟陟屺遊子逾思親出門遠離別在家長窶貧塵勞非所  
辭干戈尚紛擾鄉園况苦兵安得開懷抱回車是何日悠悠去  
關河同秉義方訓相勗勿蹉跎

許昌

許昌城外幾停驂縱酒題詩歲歲酣疲馬征車仍碌碌栖鴉新  
柳復穆穆旌旗短堠春風撲埤垠高樓夕照含亂後重來情異  
昔角聲更起潁橋南

穎川道中

東京節義漸沈淪俊傑知時局一新海上高蹤惟管邴魏家台  
輔是陳荀公卿定論來多口王佐高才致隕身亂世由來艱出

處當塗應識惜諸人

穎川桴鼓響如雷

時襄城有警

不見飛飛神爵來史冊聞褒循吏績

邦人願借濟時才賢良相繼難為治禍亂初形要弭災百仞雄  
城喜無恙夷門咫尺拂黃埃

汴梁旅舍

十年來往夷門道獨酌長吟太踴涼朱邸何從覽公子偉人今  
始見歐陽驚颺白日樓頭壯駟馬高車陌上忙五百年來尋舊

物祇餘鐵塔轟蒼茫

斷渡顛風萬楫收更馳匹馬入封邱

河濱阻風重入汴城

空桑何意重來

宿汴水無情自在流上將雄藩宣武節黎民遺憾靖康秋黃塵  
舊事知多少急管繁絃破客愁

鄴城曉發渡漳水

河北金湯第一堅古來征戰幾戈鋌驅車夜過三臺下鼓角聲

沈月滿天

濁漳無浪好乘槎獵獵旌旗宿水涯趙北燕南形勝地春風莫  
更起塵沙

邯鄲

濁世無公子高樓去美人一鞭行古道十丈撲飛塵笳鼓燕臺

靜箏琶趙國春還思得頗牧大將白旄新

天外落斜陽同車看太行風沙仍逆旅兄弟各殊方庚戌借子宣南歸憶

抵邯鄲日鼓瑟人如玉挑燈月似霜客愁渾不解獨酌詠蒼茫已曛黑

### 過沙河

道傍官樹老婆娑似笑征人歲歲過 帝闕行來千里近春光

留得二分多空山蕙草心徒戀石室芸香願竟訛鞅掌一官逢

世亂華年自惜太蹉跎

太行奇險自天成白馬崎嶇萬旆行前歲賊出山右破沙河塞外熊羆都

效順柙中虎兇莫縱橫汾陽異姓蒙開國謝艾書生詔將兵埽



蕩神州迅南下丈人踴躍報昇平

渡滹沱入正定

名城百仞大旗揚莽莽滹沱古戰場  
帝子來時冰有迹真人去後電無光  
雁聲一片歸河朔山色千秋枕太行  
成德雄藩驅馬過塵沙迷目更斜陽

伏驛道中

淪落多年謫上清偶留鴻爪尙分明  
江東羅隱詩才好未要人間識姓名

見旅店昔時題壁

攬鏡時臨白雪光非同粉撲弄何郎  
風塵莫惜朱顏損三十鬢眉似戟張

燕歌趙瑟玉人佳有客飛觴月滿階天壤王郎真不意新詞百  
首絕風懷

許昌楊柳已依依河北春寒綠意微却念杉湖風日暖垂絲百  
尺早鶯飛

雨後過定州

細雨送行人平沙不起塵麥苗微帶潤花信暗添春冰斷清漳  
急雲開北嶽新鮮虞苦寒地狐貉未離身

車中雜詠

聖治昌隆日如何久用兵遐陬起徵側大號僭張嬰吳楚終年  
據幽并萬里行潢池考前史此患特縱橫

苦戰金陵郭如屯東渭橋一軍堅壁壘萬目屬嫖姚設險吳門  
固鏖兵漢幟標始終期辦賊扶翊聖明朝

侍郎忠貫日曾否學孫吳共道驅羣彥軍聲壯小孤風雲收岳  
鄂旌旆動濡須早晚江淮定功名近代無

春風馳露布兵氣靖河間鳧藻騰王旅龍光悅山聖顏重圍須  
再合單騎莫教還從此平吳會修文六合閒

首禍由藤峽餘殃蔓桂林竟無兵食策誰結士民心鴻雁飛鳴

苦豺狼藪澤深江鄉災害極遙望使星臨

新藩臬皆在衡州

莽莽越王臺兵戈又劫灰名都多寶玉巨邑化蒿萊簫管聲應  
歇梯航路不開音書沈半載望斷嶺頭梅

驛路塵沙暗飛章日日過似聞黔蜀道近復鼓鞞多瘴雨毳毼

叫蠻烟猩狽歌金陵如奏績荒徼敢稱戈

萬里灘江客行行近日邊衣冠瞻紫極閭闔啟晴煙闕外馳諸

將朝端蔚大賢堯湯會水旱迅睹蕩平年

房山懷戴大令

花暖長安把酒卮平生風義託親知如何便聽山陽笛滿目虞

淵日落時

過琉璃橋

不踏虹橋又五年紛紛人事幾推遷葱蘢一片西山好依舊晴

霞落日邊

定甫九叔招同館閣諸公於野王村館續斜川集拜淵明像  
杉湖雲水深我有三畝宅蓬蒿長似人嘯傲足晨夕飲酒時復  
醉兀然枕羣籍頗謂平生懷優遊託泉石一朝走踈踈心迺爲  
形役未見鄉里兒已覺身名窄虛堂拜先生警欬接咫尺微雲  
方出岫倦鳥難息翮浩歎把清樽爐烟裊空碧  
先生歸去來無酒苦獨醒田家偶召飲杖履曾未停吾儕一樽  
酌豈不來英靈斯時春氣佳柳條初弄青主人古詞伯觴詠超  
籍伶對此如不醉先生笑頑冥放懷就杯杓脫然去畦町世知  
我爲誰吾亦忘吾形

灑江旌旆高錦筵照紅燭軍門談讌餘新詞曼金玉別後風塵

昏雨雲幾翻覆何圖一樽酒重許清言續時艱望宏濟高才贊  
機軸丹詔揮九霄掖垣花簌簌承明偶退值盈甕春醪熟北窗

葛巾人一日

聯芳躅衡宇未容歸長吟憶松菊

羣公盡才彥橐筆襄清時燕臺風日晴休沐銜金卮今我何爲  
來羸牛躡天騏昔年見崔魏許摛清華詞迴風吹落花竟與茵  
席辭田園况遠棄舒嘯知何期紅塵踏玉京舊夢不可思從容  
與高會悵惘成新詩

代同人作

柳條榆莢春欲青紫雲唱曲聲瓏玲茫茫人海不稱意狂歌誰  
願爲獨醒城南金窟尋芳久重脫貂裘縱杯酒香車油壁恰相

逢舊人不僅何堪有如雲豪氣高陽徒扁舟幾夕離江湖難得  
春明共沈醉百花深處憑酣呼湘瑟秦簫莫輕弄舊遊棖觸渾  
疑夢如何重作夢中人翠幙銀屏風不動起臨青鏡覽朱顏眉  
峰憔悴不如前玉山日日須傾倒也學長安俠少年  
謁客偶成五絕句

一片西山翠似指晴嵐春暖撲天街雙輪陌上匆匆走自羨終  
南景象佳

鷓鴣初脫曉寒輕薄醉微吟客裏情閒過天街見紅杏始知春  
氣到清明

萬年大尹那能閒赤白探丸吏治艱誰料清明散衙早牛眠堂

下吏人還

老成雙鬢久  
皤皤話到艱危感慨多  
閩外旌旗諸將在  
書生一

介欲如何

如龍怒馬騁輕車  
知是金張史許家  
未得振衣千仞去  
相隨紫

陌蹴飛花

偶作小遊仙詩

鳳管鸞笙月滿天  
踏歌聲裏盡瓊仙  
杜蘭香是無心遇  
洞府清

遊亦偶然

春山樓閣徧桃花  
絳雪迷離仙子家  
還憶人間烟火好  
東風不

願喫胡麻



鈞天雅樂奏鏗鏘  
仙子如麻集帝鄉  
金闕曉鐘聲忽動  
騎龍旭日出扶桑

蔡經宅裏極清娛  
仙棗如瓜酒滿壺  
一夜春風紅杏落  
珮環不復降麻姑

銓部領憑之江右口占

彈冠欲去轉沈吟  
風雨王程仗策尋  
下邑艱難無措手  
小臣憔悴有初心  
九重殿閣春雲遠  
咫尺匡廬翠靄深  
且喜臨淮堅壁壘  
舳艫江上大旗森

南天萬里瘴雲遮  
好語前宵定到家  
擬對高堂歡捧檄  
翻臨峻坂欲迴車  
一官量力愁無補  
四字盟心懼有差  
此去淮壖秋未

老籬邊且看耐霜花  
子宣弟官五河欲迂道往視

西

北上集

養拙齋詩第二

臨桂王必達質夫與士

過江集

由都赴五河視子宣卽之建昌定甫叔用續斜川遊原韻贈詩  
謹疊韻奉和

西風吹塵埃何處爲安宅帝鄉不可留秋聲撼朝夕一宦詎成  
名悠悠笑通籍非欲奉簡書家苦無擔石江湖渺茫茫長歌復  
行役尙堪詩酒污但覺宇宙窄迴首瞻闕廷春雲低咫尺浩蕩  
白鷗心徘徊黃鵠翮驅車清晨去西山照人碧

舉酒澆離愁酒盡輒復醒連宵對剪燭話未須臾停論詩入微

茫故紙慚乞靈坐久皓月涼起視天河青余生本孱弱獨客尤  
僂伶韓門一追隨始若登蒼冥情親比翱湜披豁無哇叮萍蓬  
又飄泊孑孑影與形

乾坤肅新霜歲月如轉燭男兒年旣壯辜負腰間玉慨懷東南  
事垂成局乃覆龍驤下樓船勳名終望續蹉跎無尺筆空思挽  
地軸杖策指清淮落葉飄救救黃流正泱泱輕車難就熟孤城  
風雨間日望征人躅側身且長吟猶及重陽菊

昨日禁鐘鳴羣仙朝罷時高樓拱銀漢瓊漿翻金卮雷轟萬車  
走雲路驂天騏方壺圓嶠閒琳瑯鏗新詞馭風一來過倏與上  
清辭人寰何雜沓鸞鳳安可期承明草元廬萬里入夢思倘尋

古匡君更寄遊仙詩

夕抵涿州

白日黯無影太行山氣青  
重橋跨今古雙塔入蒼冥  
北地秋將老南轅客未停  
蚩尤何日戮晚霧塞郊坰

涿州道中

高林罨畫望中開林外青山撲翠來  
想見樓桑佳氣鬱風烟銷歇霸王才

逆旅相逢魯兩生與論文字不知名  
獨遊人海翻青眼不似尊前覓老兵

棗梨剝盡晚林空禾黍收餘穉稭紅  
一幅幽詩在三輔田家只

曉說年豐

涼蟬唱罷雁來時乍見霜林第一枝銷瘦西山好眉嫵碧雲千

里索新詩

過趙州橋

自臨浚水髻成絲拂拭殘碑駐少時趙北燕南人漸遠西風匹

馬欲何之

穆穆楊柳噪寒鴉不似來時雪作花幾日風光便流轉行人莫

更說隋家

橋造於大業時

北河方順橋題壁

八月平田一尺雪野風吹放棉花白鄉村女兒大布囊偃僂裙

欵腰欲折秋日苦短忽已斜烟生墟里同還家豈止盈襜復盈  
掬較量輕重燈前譁風人采采賦芣苢似此豐年尤足喜如何  
祇撥四條絃客舍笑索青銅錢

柏鄉

日落柏人城不見高與午四面白楊風蕭蕭天欲雨

出都追贈劉學正琴舫

銀燈十載對讐書中壘才名愧不如澤國風塵爲吏俟園橋星  
日授經初傾情沈醉千卮酒握手悲涼萬里車此去浮雲太無  
著殷勤惟有寄雙魚

茵席無緣祇自傷落花何意護東皇猶期臺省絲綸貴不願湖

山管領忙青眼半生逢鮑叔黃金多口詔王陽天涯早晚尋同  
氣話向西窗翦燭長

向平舟泛瀟湘月季子詩題劍閣塵幾處江山同憶遠一時聚  
散最傷神板橋茅店衝寒客斐几明窗退值人天上霓裳聽高

詠瓊瑤寄我五湖濱

鳳凰闈裡駐車時翠幙珠簾對話遲紅藥三春歡雅集宮槐九  
陌悵涼颺江關塵暗初看劍古驛燈昏尙賦詩今夕柏人城下  
月微雲慘澹劇相思

寓定甫叔宅中欲作小詩未果途次補成

槐榆兩株高離離弄疎影橫枝上窗紗虛室頓生靜端坐理柔



翰秋涼動俄傾脩脩雲氣濕策策風力猛孤遊抱百感節序中心警小住豈不佳歲暮江湖永日夕盼庭柯身世悲萍梗

故鄉在何處青天渺漫漫萬里歸何期盲風倏已寒緘書況不達中夜起長歎我弟已邁征棧道雲千盤客衣纔掩骭孤露愁風餐家人念行役豈復一日安蟋蟀四壁鳴發聲抑何酸披衣對短檠掩書慘弗歡遠遊不稱意使我摧心肝

軒楹廠東西亭亭植花竹牽牛色愈好柔蔓欲穿屋填胸似有言盍一寓草木徘徊無字句籬邊空矚目自追斜川遊未唱渭城曲窮愁豈不深詩書竟欲束冥心遊大造奚用文辭瀆

古人我所思所思不可見夫子今人豪黽勉方不倦簪筆禁中

歸閉戶讐經傳宵長明月墜丹黃漬古硯旗鼓有孫衣張金士

作孟郊薦木屑霏清談金樽暢文宴兼旬坐春風浙漉流光變

杖策遵王程關山幾征戰浮雲落日閒相思淚如霰

陳上舍又舫自渾源來試京兆適余出都途中疊韻贈別

滿袖携來北嶽雲蘭言纔愜惜離羣明燈夜月聯雙璧健翮秋

風冠一軍近日情懷應中酒前宵慷慨劇論文翩翩濁世佳公

子行過邯鄲倍憶君

蒲帆並指洞庭雲幾日差池不及羣去冬約與同行未果驚座陳尊重對

酒哀時王粲欲從軍五湖芳草懷中檄八月奔濤筆底文歸見

元方憑問訊他年下拜更因君謂桂舫刺史

杜村曉行

戌火星光兩未消  
馬前亂葉落蕭蕭  
五更原上西風急  
誰似青梧得晚凋

車中睡美似行舟  
瑟瑟涼風任打頭  
一片菰蒲驚夢醒  
水鄉知是到磁州

晚抵鄴郡

幾朝宮闕付荒涼  
官道塵埃淨不揚  
斜景晚雲無限好  
朗吟名句過安陽

匆匆時節近黃花  
晚圃秋容宰相家  
獨上危橋尋舊迹  
一灣滄水映明霞

愁思岡懷古

廣陵琴聲吁可嗟天心已嚮司馬家山尙書言大有理昂昂白  
鶴雞羣跨侍中一官宿衛耳殺身豈類頽與華童駭天子亦知  
痛出言迴異公私蛙萇宏沈寃迹不泯杜鵑哀怨枝橫斜愁思  
岡前一片血炳靈英氣誰復加至今白日照凜凜後來議者猶  
疵瑕匹馬西風蕩陰道蕭晨爽朗無驚沙川原蒼莽極天濶太  
行西走如龍蛇想見羽林羣奔鼓聲死妖氛直逼乘輿譁男兒  
剖心報王室機雲文筆空生花惟晉有臣嵇有子令我慨懷忠  
孝思無邪

董隄夜起

四更寒雨天欲泣瀟瀟荒戍雞聲急我僕我馬噤不前更愁欲  
渡無舟楫關河羈旅令心哀此際蒼茫百感來太息萍蓬復何  
往東南天地任徘徊

宿新店次坡翁村字韻

沙上人烟雨後村荒荒雲氣浸柴門一番憶舊添詩卷幾夜思  
家入夢魂廢廡馬嘶宵柝警空堂鼠走壁燈昏晨光催向河堤  
去瓠子薪芟忍重論

穎上夜泊

九月十六

獨客秋將盡西風穎上行猶餘圓月好祇傍旅人明荻岸寒蟲  
語霜天遠雁聲雲沙飄泊慣滅燭坐三更

南望濡須塢危旌夜色搖霜痕侵野幕風力撼江潮翰墨元戎

貴薪芻戰士鬣水雲今夕客詩境得逍遙

去歲城頭月寒芒射萬家憶摩金狄話直到玉繩斜去年今月桂垣為土

匪所桂海遙情結萍蹤夙願差倚門知望切尺素隔天涯

咫尺長淮水連檣問有無支離來遠道慰藉仗窮途圃老花堪

插城荒酒可沽五年離索意風雨話踟躕聞淮濱有警舟集始能行故有連檣之句

壽州道中

孤城雙塔晚冥冥劫火秋風問幾經極目殘陽亂鴉外八公山

色照人青

擬看淮流兩岸山風高片席落重關岡巒平地猶深秀况是烟

波縹緲閒

人家叱犢種春田  
刀劍還從腰下懸  
化蜀文翁非猛烈  
承平更看奏琴絃

謂刺史金濂石先生

獨憶周師百尺塵  
老羆卧病極艱辛  
山河鼙鼓淵淵響  
痛絕千秋死節臣

九月二十四日入五河境

一楫過雄關  
東來路幾彎  
農家朝旭裏  
賈舶宿雲閒  
莽莽開平野  
依依出遠山  
停輿喚舟子  
流水更迴環

百里淮壩瘠  
年年苦水耕  
何曾追稅歛  
只是念民生  
燕雀飛鳴樂  
桑麻長養成  
好言聞父老  
汝識長官情

小麥霜前翠垂楊春後低行人驚吠犬積水拍鳧鷺  
短褐蚩氓擁瓶罍邨女携敦龐疑太古風土異淮西

朔雪傳烽夕春風視膳朝家人情脈脈此地說迢迢  
杖策來千里離襟聚此宵黃花應未瘦爛醉把香醪

偕子宣遊淨土寺及南寺至晚始返

西郭人烟靜招提路不遙平沙動春色壞宇認前朝  
碑篆莓苔隱鐘聲風雨驕旃檀身尚在飄泊苦江湖

去去不知還清遊一日閑荒雲低遠寺落葉出前山  
腳輒扶筇健僧貧煮茗慳漁樵欲爭路相狎喜開顏

故吏姓名傳留題二百年

南寺有郝大令題額順治初年物也

禪關消歲月喬木



長風烟怖鵠曇花裏栖鴉老柳邊憑高望滄海幾處變桑田  
白日忽西落長風天外來湖平看雁去野曠少人迴署鼓昏將  
發城門夕尙開宦遊能寂寂未惜在塵埃

正月十一日自五河入都子宣送至小溪贈別

丙辰

風塵江海昏窮冬此栖息冥鴻豈欲飛小住不可得長飈解征  
帆去如奔馬疾同舟坐浩歎相對只頃刻人家出疎林淮山翠  
橫側榜人催迴橈離襟在茲域登岸攀垂楊雲烟渺無極安得  
好畫師寫此別離色孤城歸莫停斜陽欲曛黑躊躇復何言惟  
有淚沾臆檣鳥相背行哀哉判南北

南天黯烽火未得鄉園書迢迢望尺素欲行久踟躕衙齋雖寂

八  
寔飯釜未生魚昨宵餞我行杞菊當嘉蔬君看江淮間何地爲  
安居是邦與遊久墊隘今差舒徘徊待時清舍此將焉如我乏  
救時策雲氣違匡廬行行作中隱窮餓忝簪裾回首松桂林迤  
邐百計虛有愧古賢人浮沈在里閭河梁慘携手弩力殷憂餘  
鳳陽

一時龍虎盡蒿萊猶見歌風絕頂臺衰草牛羊華表沒殘陽鐘  
鼓寺門開錦衣故國人何在王氣金陵浪打迴瓦礫千門劇蕭  
索人間更有劫餘灰

元夕前一日重宿陳家岡

平田春早綠偏不弭萑苻旅客三時戒民風百里殊村遙雁吠

急夜冷月輪孤自愧操儒術能治巖邑無

試燈風片裏莫唱念家山兵氣三江動鄉書半載慳論文消壯  
氣對酒損歡顏斫地揮長劍哀歌鬢欲斑

五河一冬無雪穎上泊舟大雪二日作此寄子宣

長淮十月天生風已有微霰飛溟濛衙齋無人落葉滿擬觀玉  
戲開心胸葡萄夜酌舊醅綠博山晨撥餘灰紅五年離亂幸不  
死寤歌乃得天涯同瓊瑤如惠三尺白一賦禁體詩猶雄天謂  
幽人太寒塞西窗晴日朝朝烘征帆別淚滴清穎柳條搖曳春  
欲融支祁睡醒忽騰躍鼓舞噫氣驚龍宮六花繽紛大如掌曉  
起壓折千艖艫重裘不溫布衾裂孤燈無燄清樽空况聞羣盜

逼近邑矛戟十萬仇相攻牙旗凍捲鐵衣解羽書夕走嘶青驄  
羈旅何曾仗尺筆徒聽風鶴嗟途窮此際孤城復何有荒更濕  
鼓聲逢逢絕無人跡十字好定哦新句思飛蓬我欲高吟寫懷  
抱獨唱無和難爲工沙頭一夜悲鳴鴻愁心直到淮之東

雪後舟行將至潁上縣聞警返櫂

溪山照眼明雪後放橈輕凍日遲遲上巖風悄悄行人稀愁遠  
訊江暝阻郵程惟有渚禽樂翻飛沙水清

天邊回買舶水驛合重圍拭目看烽火驚心對落暉遠遊王粲  
似痛哭阮生非豈是山陰道扁舟興盡歸

正月二十四日正陽關早發凍甚因憶去年今日抵都

長安此日暫停驂  
花信微和暖意含不道風來僵欲仆  
春深雪霽在江南

穎州道中

夜投荒村宿騰騰遠火焚民屋  
曉行官道中牛車徒宅啼顏紅  
恃河爲險河流涸莫使瓶罍得偷渡  
河北千萬家化爲塵與沙  
河南日驚擾溝壘懼不保道傍父老向予哭  
此邦幸未遭顛覆  
飛章一撤臨淮軍盜魁脅眾纏妖氛  
誰人上書告天子起我中丞  
甦我死我揮涕淚與之言吁嗟父老毋煩冤  
朝廷惻惻傷黎元已命大將旌旄尊况聞太守能憂國  
發兵早歎頭髮白同袍辛苦歌秦風  
努力官軍共殺賊

謂穎守陸公希湜

宿潁郡憶六一翁

百頃西湖水色秋  
看山作記勝滁州  
金鑾跡退憑觴詠  
玉笋才多幾唱酬  
畫戟清香追韻事  
明燈烏舫劇風流  
而今太守繁華歇  
兩載兵閒歎白頭

枕上

論文重入少年場  
目短曹劉氣頗揚  
枕上鐘聲催夢醒  
不知身世在何方

沈邱道中

種梓都成林  
栽桑復繞宅  
春氣入喬柯  
茸茸抱新碧  
父老荷篠來  
雙鬢皤皤白  
白云五十年  
從未入縣郭  
飯蔬一盤  
孟子孫贍

晨夕梁肉臭朱門似聞路人說烽燧倘無驚餘生固至樂邱園  
我亦有幾載爲形役所得不償勞崎嶇身世窄渺矣杉湖濱雲  
烟侵四壁手植百株松蒼鱗高幾尺  
去秋過汴梁周觀察春門師爲余改職中書今春北上獻此  
雁飛彭蠡陳雲深遠道從軍獨苦吟報國崎嶇微吏志衡材磊  
落哲人心鯤鵬萬里翻新翮桃李三春護好陰不是中郎逢爨  
底枯桐灰燼那成琴  
易園羽檄似星流大阮林中筆對籌共仰南天襄狄帥特開東  
閣坐朱游纔憑說士叨羊胃更詫移官入鳳樓自古英雄艱一  
飯不知寒峻幾生修

荒城大雪滯淮壩百事蹉跎計欲遷車到窮途惟自哭花仍墮  
溷問誰憐敢求寶劍貪無厭更撥爐灰冷復然白傅長裘少陵  
屋始知古語不虛傳

風簷走筆未能嫻幾對三條燭蕊斑祇恐文章遺網外難拋烟  
火出人間春情迢遞湘南水秋興徘徊薊北山惟向東皇再呼  
籲藐姑早證列仙班

千里河流水勢渾一方風鶴警夷門危時舟楫需王佐即日絲  
綸拜 帝闈多口詎教金石鑠寸心永望斗山尊明珠環玦觀  
前史異物猶知報主恩

過中牟境



風沙連日黯河堤極目蕭條路向西  
晚照忽晴春氣益平田漸綠  
麥苗齊茅簷短柳知民樸  
斷港殘冰覺地低寄語循良好爲  
政此邦早幸息征鼙

滎澤渡河

蒲帆浩浩御長風日出扶桑曉氣紅  
一片山光浮廣武千秋人事慨英雄  
金戈鐵馬王師壯橫海淄青賊壘空  
泮泮洪濤是天塹琵琶愁唱大江東  
悲歌幾次動宣房伐盡淇園竹箭良  
萬里來源休鑿空九河故道極蒼茫  
濟南城邑堆沙礫淮北人家卜稻梁  
疏瀹何從籌善策漫將經術許平當

發汲郡風甚宿淇縣

狂飈日昨飛河堤驚砂莫辨天東西瞎馬盲人不敢進蘆簾退  
掩如雞栖一鞭今指朝歌道月輪生暈長庚曉風伯驂虬渡海  
來萬仞太行吹欲倒轅駒鬣亂長嘶鳴檐帷飛去輿臺驚埋頭  
苦思錦衾暖聳肩只覺貂裘輕羊角騰騫勢愈惡且教膏秣停  
山郭新詩未成喑弗驕濁酒頻傾慘不樂小園此際春光深天  
桃文杏含芳心封姨夜夜試裁翦嫣紅嫩白霏成林紫燕黃鸝  
與我熟主人定向花閒尋樓臺烟水不歸去塵埃辛苦徒悲吟  
南轅返旆亦在我我欲荷衣草笠抽朝簪  
春夜鄴城遇雪早發時黑龍江歸兵抵鄴

荒雲翳千村暮投鄴南門卯酒三杯徑醉卧醒來紙帳凍不温  
夜深何處車鞦韆怒搗柴扉氣轢人寒帷起視眠不得一片光  
明階下白不道春宵飛六花疑是長庚伴月魄茆檐喔喔雞亂  
鳴驅車侵曉穿重城馬蹄雜沓爭先行瓊瑤踏碎驕有聲曼纓  
短後何崢嶸云是遼海東歸兵遼陽遠隔盧龍塞萬里咨嗟勞  
汝輩層冰長白浩無垠塵霾更苦天如晦關山我亦行迢遙孤  
吟破冷愁難澆春光昨日到花朝雨絲風片江鄉飄園林迴首  
魂爲消殘雲似墨長颺號漳河北去天蕭蕭

宿趙州橋用去歲韻

漠漠孤城細雨絲重來已是暮春時樓臺蜃氣須臾變不繫虛

舟任所之

似聞楚幕有栖鴉  
章貢雲深浪沸花  
半段綠沈揮不得  
枉將筆

力門詩家

過盧生廟

流水浮雲事事空  
早聞螻蟻比王公  
如何睡倒先生枕  
始曉勞

生是夢中

十畝園林一葉舟  
桂花松子碧天秋  
杉湖歸去容酣卧  
便是蓬

萊最上頭

余仍出宰江右  
定甫叔贈詩索和  
夜闌依韻賦此

悲歌涼夜動青雲  
月過虛窗淨俗氛  
江上貔貅兵氣惡  
天邊鴻

雁客心紛掖垣春好辭花竹高閣秋來賦雨雲莫厭鳴雞聲聒  
耳他年獨自枕戈聞

與子宣重別於五河用東坡陳州別子由韻

七月二十五日

雨雪悲裁詩扁舟記泛潁重來歡幾何江頭又斜景西風欲留  
人朝來未肯冷况聞細柳營鼓鼙聲不靜白羽一零落怕見神  
州警長空雲飛揚安得士氣猛子今治淮壩萬里去鄉井艱危  
更送我兀兀胡能醒目斷彭蠡濱孤鷺秋天永江湖魏闕心涕  
淚勗相省

丹砂不駐容憂患常填胸古人慨不辰如何與之同君看人間  
世翻覆知幾重青燈誦書史安得如兒童此生譬舟流南北隨

長風乾坤忽板蕩焉計一身窮可惜三畝居深閉杉湖東自從  
棄適軸塵勞迭來攻何年對床眠迴首談飛蓬寥寥混希夷野  
服盟鳧翁

洪澤湖棹歌

朝來水氣白濛濛棹發盱眙東復東日出烟消更迴首人家嵐  
翠畫圖中

茫茫欲覓泗水城斷石奔濤叢葦生父老傳聞雙白鶴歸來水

上幾悲鳴

康熙十九年泗州淪於湖

湖濱曬網笑紅霞又撥雙橈入浪花與子徜徉老雲水漁家真  
樂勝田家

雨來湖上忽昏昏  
夜黑蛟螭帶雨奔  
可惜平田秔稻少  
祇添新水打雲根

時早甚無禾

龜山杳杳清磬音  
靈塔欲禱何方尋  
十日東風太無賴  
前宵露白秋光深

洞庭葉下客舟稀  
彭蠡霜寒斷雁飛  
安穩風潮三百里  
蒲帆來往送斜暉

過寶應湖泊金溝鎮

林烟霏不已望望只  
平湖新水飛鳧雁  
輕舟出荻蘆  
餉簫村市近  
禾擔大田腴  
片席停橋外  
吳娃喜對呼  
咫尺邗溝道  
頻年羽檄飛  
孤帆少吟興  
澤國尙晴暉  
秋至懷人

苦時艱作客非前宵夢江檻水滿釣魚磯

今春入都仍寓定甫叔宅秋來遠想賦寄此篇追和去歲贈詩

原韻

人逐東風到羣芳信不違酒濃傾玉斝花密隱朱扉滄海秋仍  
老承明日自暉詩成頻宴客感慨幾銀緋

扁舟風露寒日月疾跳丸水國愁中去家山夢裏看支持艱大  
厦濩落始微官回首天衢上空彈貢禹冠

高郵湖夜泊

狂風激水勢巉巉失却漣漪鏡一函雨後涼痕侵畫燭天涯秋  
思起征衫兩年淮海詩多債萬里雲羅札少緘底事蛟龍連夕



怒落霞孤鶩盼征帆

一枕濤聲撼不休茫茫似上洞庭舟更尋芳草違京國獨詠蘋  
花遣客愁澹月觚稜今夕夢嚴霜鼓角隔江秋平生已苦風波  
惡還向鄱湖作壯遊

宿邵伯望揚州

二分明月幾時斜何處吹簫玉女家霜角聲邊是孤嶺不堪回  
首哭梅花

一樹瓊花劇有情青山樓閣照昇平西風來讀蕪城賦可惜紅  
橋載酒行

如何玉匣賜蛟龍當代麒麟未鼎鐘  
羨城邊今夜月青絲白

馬太從容

婀娜風帆發遠津  
休談歌吹竹西春  
長堤楊柳花如雪  
曾拂腰

纏騎鶴人

泊江上

蘆花倒壓孤篷低  
雁飛不起殘陽西  
江頭秋氣晚淒絕  
拔劍回看皆欲裂  
金陵峩峩帝王州  
公然狐鳴火夜篝  
我昔揚帆渚宮去  
舵樓東顧天悠悠  
羽林水犀十萬眾  
謂有壯士爭弧螯  
兩載猛飈復黃落  
右角妖氛纏愈惡  
况聞白羽收涼宵  
誰更英姿寫麟閣  
朝廷屢賦車攻篇  
修德奚止侔周宣  
詔書惻怛讀者泣  
幹回詎必觀諸天  
我聞雲雷值屯九  
感慨乘時豪傑有  
當其驅

邁那計身千古丹青乃不朽幕下多爲梁甫吟軍中早得磻溪  
叟卽看碧海屠長鯨豈仍白雲幻蒼狗乾坤板蕩亦云極羣帥  
功名休復後飄然一葉凌寒波咫尺未効空蹉跎躍躍龍吟欲  
辭匣銛鋒得無非太阿丈夫擊楫心匪他血誠滿臆不可磨潮  
來風急神靈過嗚咽聊和雞鳴歌

孟河道中

橋轉清溪長紅芳映珠箔涼風幾時到吹放枝頭萼扁舟忘遲  
暮潮痕隨起落豔豔芙蓉花陡覺綵絺薄  
瓊姿洗倦眼南來始見竹欲把青琅玕風帆去何速惟聞幽鳥  
啼新聲出寒綠此君我故人明月山中屋

常州謁蕭觀察仲香師

升階已是歲星終惆悵年時畫燭紅

乙巳出師門下今十二年矣

枳棘慚爲

凡吏去儲胥佐建丈人功譁囂竟犯明堂義節制休開巨鎮風

門下朱游一詞贊主憂臣辱濟時窮

師以兵噪求去

過故中丞鍾泉師宅

雨後蘚痕蒼空登君子堂山梁嗟道沒邦國痛人亡謗語青蠅

急橫流白馬狂西州門外哭零落幾株桑

灑淚問乾坤忠良遇太屯巫咸神不降房相墓何存陝左河聲

靜天南雪片溫遺勳堪不朽持慰九霄魂

鄒蘭坡主簿招飲惠山禪院

青山笑客雲容淨碧酒留人雨意含猶憶清香凝幕底不知秋

色醉江南

蘭坡曩聚於嶠西節署

貝葉曇花一笑中曲房迴榭裊天風分明石上梁溪水酌向蒲團味不同

瑤階持贈木樨花知我聞香念不差明日銅瓶好供養白雲遮斷玉真家

細雨斜風翠微路淡紅香白台遊人出山更與清泉約來看芙蓉不染塵

虎邱

石徑脫黃葉亂蟬相續吟池光含黯湛山氣逼陰森諸老風流

極華堂掩映深憑高還獨詠莽莽五湖心

韋白諸祠相接塔頂見太湖

風迴飄縞袂水濺濕羅裙寶曆開窗見珠喉隔幔聞平橋紅漾

日迴閣碧生雲且喜今猶昔笙簫日夕紛

虎阜謁白傅祠泛棹晚歸

先生罷官未白首美宦清詩俱入手謫居平日住蓬萊祠堂更

在烟霞藪浣花祠宇疎林接未免龍鍾嗟老醜

祠旁爲驚人句懷杜閣

在宇宙閒一瞬榮枯復何有天風吹放幽桂香小山露濕莓苔

蒼閣前簫鼓沸如雨不解吳儂緣底忙孤篷無酒書一卷葛衣

傲岸看紅粧先生撫掌應大笑二百年來此客狂

曉詣烟雨樓未獲登眺

菱花覆鴛鴦秋涼眠未起濛濛一葉舟  
浩浩蒹葭水到門魚鑰扁湖洞空在  
泚簷前雙梧桐拱客如君子靜憶曝書  
亭清才拔凡靡重湖作棹歌篇篇風格  
美倘獲從公遊差亦能操紙西風飄我  
衣秀色餘蘭芷窮幽緣旣慳懷古心愈  
企不及篋笠人朝朝烟雨裏

石門道中

照眼臨平山色青故鄉雲樹望冥冥  
人如春燕歸應識身似閒鷗去未停  
風雨蕭騷滿城郭綺羅明豔幾林亭  
鷲峯高處天香撲斗酒狂歌且莫醒

西湖絕句

平湖細雨暗樓臺  
喚取烏篷載酒杯  
迎面山光青欲絕  
幾時夢裏御風來

吳儂冰玉動人憐  
爲指溪山處處妍  
白傅蘇公猶解說  
風流二老在湖天

蕭瑟西冷接斷橋  
幽人放鶴幾逍遙  
寒泉一盞巢居閣  
可惜梅花白雪消

軒窗望月碧玲瓏  
最好荷花送晚風  
惆悵紅衣初落盡  
茫茫明鏡曉烟空

樓上萼香酒熟初  
樓前嵐翠溼人裾  
一樽風雨常憑檻  
不願蓬山絕頂居



幽巖不見半閒堂  
岳鄂墳前柏子香  
細雨斜風滿簑笠  
舟人鼓棹話興亡

清梵泠泠下碧虛  
玉池蓮葉偃龜魚  
出門一笑山光靜  
桂子香中雨過初

孤亭寥落斷崖蒼  
居士騎驢跡早荒  
我與飛泉出山去  
人間何處覓清涼

湖山漸覺洗鉛華  
曲榭雕楹付白沙  
尚有蘭橈泛金粉  
霜林來看晚秋風

兩日雲霞亦夙因  
不知屐齒幾番新  
芙蓉楊柳都留客  
白鷺閒鷗定笑人

重九日偕甯仙槎登吳山仙槎先作詩而未成即用其首句續

成之

吳山佳景勝稽山

仙槎句

共倚危樓縹緲閒塔外殘陽羣寺遠鐘

邊細雨暮潮還幽崖秋氣楓將落曲檻天香桂許攀明日西興  
飛棹去嵐光回首碧孱顏

會稽晤韋詞臣贈詩四章衙齋酒罷走筆次韻

西風重握手歲月去昌昌京國花休放遙天水共長孤吟逢舊

雨兩鬢入新霜鼓角聲中去關河極渺茫

送酒箏琶響遊仙碧落歡清歌纔激宕濁世忽艱難野火千山

赤江雲萬竈寒雞聲連夜聽蓬島憶漁竿

天外飛鴻至稽山九月秋牛羊迷斷隴風雨失高樓故里凋零歸無識者  
訪戴推名輩交袁挹勝流王程催去急簿領學聽囚

山勢龍蟠外湖波雁叫餘身期嚴瀨隱學愧渭川漁松桂招良  
友蓬蒿掩故居沈冥君竟去卧讀古人書詞臣方謀歸里

富春江上作

瀟湘水碧秋生烟羣山縹緲青插天姑射真人一笑粲塵世無  
與爭清妍維時陳侯並倚棹桂舫謂我富陽山色尤便娟吟魂  
飛墮天目外秀語欲作洪潮邊何意扁舟入吾手林巒杳靄浮  
樽前但見諸峯蒼蒼出復沒芙蓉欲斷青忽連北山嵐翠撲眉  
宇寒雲遮却南山顛孤帆嫋嫋風泠然綠波新漲琉璃穿小鬢

停箏泛美酒高歌真坐天上船回首洞庭在何處芷蘭哀怨空

盈篇浮漚人海閱幾年名區多結雲霞緣陳侯遠去筆力好桂舫

善畫方安得淋漓圖畫如遊仙羊裘咫尺招我隱會看漁竿在

牧豎嵐  
手同蹁躑

富陽晚泊和仙槎韻

歸尋賀監倚湖樓巖壑蒼蒼入暮秋十日光陰酣對榻片帆風

雨幸同舟先疇水木淵源遠京國琴樽歲月流此去豐城看劍

氣夜闌秉燭不須愁

桐廬絕句

蒲葑新漲綠浮槎萬頃鞞紋沒岸沙折葦枯荷隨浪出仙源深

處有人家

奔溈欲作怒雷鳴  
犖确篙聲石上行  
絕似衡陽南去路  
白波青嶂濕雲橫

雲際千條白玉銜  
巖泉飛破碧巉巖  
孟公更說香爐好  
快揖匡君卸布帆

嵐霏水氣白難描  
一片迷離接遠霄  
竟到蓬壺佳絕處  
仙人宮錦笑相招

七里瀧前秋水添  
釣魚臺外萬峰尖  
不知塵世緣何謫  
一夜風聲雨滴兼

日出高峯眼乍明  
更添新水上瀧驚  
雲帆竹箭中流駛  
送客東

風太有情

先生定愛杯中物  
遙對荒祠奠一杯  
陽九屯邅開濟後  
青山更把竹竿來

嶺背丹楓全障日  
峯頭苦竹半遮雲  
平生未作巫山夢  
髣髴猿滿耳聞

乘風更向碧天西  
城郭亭亭夕照低  
今夜灘頭雙白鶴  
羽衣入夢水雲迷

過江集

養拙齋詩第三

臨桂 王必達 質夫

豫章集一

李立之丈見枉閱張海門編修輩晨燈酬唱集即日招飲東湖

濱因用集中韻 丁巳

走馬銅街遊春風去無跡平生詩酒污何曾計繩尺茫茫入彭蠡徒見湖波白興發欲長哦悲來竟遏抑李侯三楚英神交早心得風塵一執手流宕爲余惜世事恣劇談名篇供賞析京華數才彥簪珥遠盜賊如何文字飲詩成只悼戚况我離鸞凰安能一日適春雲罩迴塘聽鶯榭携百重門掩紅雨所見殊秀特

富兒飛蚊聚葷羶嗤曩昔稍稍迺目成呢呢復指畫偃蹇忘形  
骸應亦笑惡客佳人不辭醉紅潮頰有色燭花吐更闌晶暉晃  
素壁積然玉山倒萬事非長策焉知宵夢醒明朝迫行役王郎  
自天壤狂奴態難革

李立之丈疊韻示和復聚於東湖云將返里余亦卽赴建昌再  
用前韻索和

銀釭綠螳香酒醒已陳迹湘水碧浮天雲帆去天尺與君論世  
好客游頭易白作詩記良覲豪氣未摧抑濁世偉清才翩翩那  
易得好鳥風初鳴離襟深悵惜不虞黃巾亂垓埏陡蕩析弄兵  
一蚩氓稽古無此賊李郭古英豪衛霍國勳戚連營控江淮九



重色未適下士復何爲領邑地方百彭蠡東奔流匡廬北聳特  
四郊逼烽戍坐論空今昔君殆嫻孫吳借箸請擘畫昨宵復沈  
酣螺羸座無客宿醒興微疴壯士有慚色行折馬上筆去謁諸  
侯壁詎無一戰功不虛十上策高簷照欖槍危途戒行役臨分  
各努力相期洗兵革

赴建昌舟中和仙槎韻

檣燕弄新音春光水面尋草痕前夕夢花事故園心鼙鼓喧猶  
昔文書擁自今荒城苔蘚滿愧語坐鳴琴

欖槍夜夜明日暮嘯山精白浪千艘餉黃雲萬幕兵荷鋤皆赤  
子折筆亦書生詎見勳名壯徵爲漢室卿

舟入修江四絕句

谿流屈曲碧雲生  
風送前谿櫂唱聲  
尙憶蘭橈泛西浙  
青青山色照臨平

蘼蕪嫋嫋綠痕齊  
紅雜飛花一片低  
新水畫船人坐穩  
春光偏在五湖西

人來箬笠帶風斜  
新柳疎籬露幾家  
臨水菜花黃不斷  
前村應更放桃花

一抹青山絳雪痕  
杜鵑花萼照黃昏  
雲陰忽作瀟瀟雨  
似欲催詩入縣門

高伯足孝廉書來云將北上答此以當送別

藹藹匡廬雲朝朝入我室我欲凌雲去相望渺不得下有隱君  
子種秫還讀書幽巖足冰雪不異淵明廬謁來遺我詩如見高  
人躅言將朝上清薜蘿辭空谷上清我舊居不願遊人間天公  
責我妄甯許耽高閑蒼茫彭蠡濱溽怒驚飈吼虬螭頗騰躍干  
將詎在手日夕望子來青青柳萸生春風吹畫角曉雜留鸝聲  
送子逐鸞凰告我天邊友非主芙蓉城擬拚葡萄酒子行將日  
還我心徒以紛旌旗捲朱檻還對山頭雲

招高伯足

書生籌筆屬危時黯黯江湖有所思整暇幾人對桴鼓笑談與  
子共旌麾童謠南國青絲在心事西涼白羽知郭外雲居山色

好還來吹簫並吟詩

高孝廉允赴衙齋猶有北行之意作此以尼其行而速其來

幾輩詩豪在眼中精廬聞結茂林東煙霞自有真人想裘帶慚

無大雅風馬上千言磨盾待雞聲五夜振衣同平陽治績非吾

比喜遇高賢邁蓋公

京華舊夢猶能說酒進瓊卮雪滿園湖海身隨孤雁泊上林春

待曉鶯喧贈詩都已深藏篋占易還同不出門君居去建徑外

飛花愁更埽叮嚀婢子語休煩

東高碧湄

論文說劍一燈篝江浦黃雲黯未收欲讀歌行增壯氣請君援

筆賦驊騮

馬上作

千騎蕭蕭靜不鳴  
前溪婀娜出紅旌  
從來殺賊書生事  
麟閣須教有姓名

閱士卒也

神駿驚逢產渥洼  
平明騎出一軍誇  
驊騮似與人同奮  
羨煞當年獅子花

得良馬也

伯足高子將有北行贈詩告別賦此以當和章

煌煌帝王都  
英英軒冕客  
振響諧韶鈞  
摛華耀圭璧  
青雲後塵士  
翕然譽詞伯  
江湖十載前  
相逢正挾策  
子今結駟去  
扶搖定六翮  
秋氣生荒闔  
危峰壓新碧  
偃仰索居人  
蕭寥風雨夕

王師集江州陴上青燐嘯挺走古所患建言武須耀平明吹角  
行當關得險要魚龍復跳波淼茫隱二曜勸我循鄉閭毋待賑  
蠲詔長卿非文士籌策入神妙梧桐秋井寒清風睽談笑時艱  
獨躊躇豈僅惜同調

湓浦舟邊雲黃鶴笛中雨莽莽崑崙源滔滔溟渤艣縱橫歸壯  
觀傷今勝弔古嗚咽難成章激昂或起舞君王開邇英選士奠  
區宇賈董伊何人懷忠貴直吐再拜陳丹墀毋爲榮袞黼  
美人不細意鍼線迹難滅百工肆弗居技藝甯稱絕當代高明  
子筆勁可屈鐵納之聲律中往往詞近拙言揚有古意求精詎  
不屑先生賦湘靈一卷定冰雪自慚敗軍將倔强復何說

吾宗河嶽秀襟期特高朗文詞嘗肆力字字追古響君看一時  
人幾輩深傾仰長安簪筆歸短檠照虛幌猝讀雁門行出見必  
抵掌牴牾要不妨我固鄙標榜有疑不能析安獲奇共賞聲價  
雙南金承明勞夢想

涼蟬唱不已惻惻淒人心榆槐葉未悴生意將蕭森遙念別子  
後廢書坐秋林撫絃成異響命酒思共斟豈無賓從歡重子等  
瑤琛艱虞久未濟凋瘵日以深大雅忽寥濶馳光懼駸駸  
桃花笑野嶼禊祓臨江潭巉巉雲居山青與天相含子方蠟屐  
返衣上餘烟嵐裁詩變謝律懷抱窮幽探颯爽賦驩駟援筆若  
戰酣索和等索逋白雪唱再三我時恣騰籥奇句竟不貪巖疆

縱兀犇底廢夙所耽歸見小馮君請告七不堪  
修途恥浮名志士期戮力司徒懸清鏡何爲獎循職策駑忘其  
劣守雌將不得眷言蒼翰句勗我毋枉直滄江日驚流天塹波  
猶黑食肉苦思親按劍堅報國他年舉君觴如何無愧色作詩

謝良朋涼風颯胸臆

元日迎春遇雨二首己未

青門紫蓋好風搖急雨還隨雪點飄只要民田歌霽罷不妨露

冕溼金貂

千家綵勝榛蕪後一片青陽潤澤時父老似聞扶杖說東風吹

出漢官儀



題曾佑卿同年太守蘭陔舞彩圖  
建武城南萬山雪雪後山光秀欲絕  
下有看山橐筆人回首峨眉  
眉悵離別錦城此際風生香簾幃  
凍解吹芬芳盤匱堂上韶華  
永書劍天邊歲月忙子舍封侯幾  
人有受爵明君歸置酒春光  
歡入老萊衣萬石君前齊介壽

少荃觀察晤子宣弟於廬州今示迎春和章用原韻賦贈

淮上風高歲月遒天涯鴻雁五湖秋  
自從冒雪同君話始解看  
雲憶弟愁鼓角邊聲遲絕徼桑麻  
晴意轉平疇錦衣躍馬故鄉  
去更拜堂堂萬戶侯

觀察將以馬隊援廬

酬仙屏舍人示和迎春

都梁公子豁吟眸鄧彌湖口書生句亦適高伯似我論交葭玉

倚逢君談笑雪霜收萬家苔蘚難巢燕千里菑畬欲買牛白日

青春兵氣洗軍帷端賴筆頻籌

酬鄧彌之太守同年

十日荒城飛雪片重簷枯樹雀聲收不逢佳客聯吟榻空聽寒

更廢酒籌過眼旌旗消浩劫寄情金石發商謳甘泉歲晏還烽

火叢桂山阿未可留

贈何鏡海表弟

慷慨軍門一樽酒幾人才氣得凌霄何郎文采傷無遇夙昔英

姿喜未消枏梓千尋搜壑出驂騮萬里蹠風驕於今僕射開東

閣看爾勳名過票姚

綠梅

重簾樺燭光  
仙子試衣裳  
素極翻無色  
寒多自有香  
平生甘澹泊  
幾歲閱冰霜  
賴爾陪岑寂  
羊權興欲狂

酬郭笙咳上舍謝招飲

建安文筆雄  
琳瑯異代思  
欲與遊今日  
英才俱穎脫  
居然前

輩劇風流  
晴光綠憶湖  
南草

謂意城舍人

山色青開郡  
北樓細雨辛

夷花定好莫  
辭樽酒句重酬

次何廉舫太守感懷述事韻十六首呈曾樞帥師

復旦星雲黯  
未開何人大  
力挽天回好  
憑玉帳詩書  
暇不使金

陵霧露埋碣石滄江正環供箕風畢雨待滋培乾坤整頓完鐘  
虞管樂猶非濟世材

天塹風濤鬱幾秋似聞發緯尙含憂當年軒冕羞三尺數輩旂  
常付一漚鼓角聲悲迷涿鹿餘皇浪重阻茲鳩丈人號令方東  
下不戮長鯨誓不休

青羅碧玉苦思歸誰道三年快一飛鄙浪廬雲徒浩蕩石渠天  
祿自輕肥珊瑚舊識千金劍睥睨新騰十丈旗山郭凝寒春氣  
淺雪花猶自溼弓衣

鸚雀真慚鵠與鴻奇才自古羨非熊誰知嶽雨河雲氣盡在三  
湘七澤中駿騎驕嘶新草綠寒鉦警衛臘燈紅鞞刀帕首休輕

擬都有關西大將風

祁連高塚竟何存不遣巫咸爲返魂車馬雲霄知發憤邱山風  
義敢酬恩驂騑誰問中原路樗散居然大匠門他日潯陽江上  
哭荻花楓葉了無痕

憶李忠武公

嗚咽平生感子長幾人高節凜冰霜麒麟未許衣冠整  
鬣屬空垂姓字香清夜聞歌淒往事虞淵吹笛愴江鄉  
可憐畫棟珠簾畔雲雨低迷一夕涼

憶龍翰臣方伯

致君讀律更通經袞袞諸公德並馨臺閣清華忠捧日  
璣衡元渺變陳星掖垣燕乳遊絲白溫室雞棲錦樹青  
聞道天章頒筆札定看翊贊壯皇靈

碧海銀濤怒不消萬船茶薺賤於椒香犀玳瑁來何益貝闕珠  
宮燄欲焦博望乘槎風莫轉曲江遺墓酒應澆扶桑花暖蛟螭  
惡鄒衍書成莫漫嘲

河濡辛苦築隄人竹箭桃花水又春濁浪好隨清濟駛淤田差  
起兩淮貧波臣似已遵方策使者何勞駐畫輪憶昨經過龍睡  
處桑麻鬱鬱綠無塵

鶯鶻淮海路三千有弟羈遊劇自憐木葉涼風如昨日金戈鐵  
馬已頻年未生白髮休看鏡欲買青山苦乏錢惆悵彭城消息  
迥黃巾似說塞山川  
竹裏高樓石上泉綸竿在手屢臨淵狂歌縱酒真無事明月清

風那用錢世亂何能翻杖策雲深無路說歸田清灘遠接牂牁  
水日夕滔滔恨莫填

盱江曉漲蔚藍天父老歡歌虎帳前膏雨平疇剛下尺人烟新  
竈已逾千家能畫井心兵健士莫荒經腹笥便惟有梅花頻悵  
望南枝好放暮雲邊

南安府有警

羃地疎簾燭翦紅交親數子百年中香焚銀鴨恣論古書飽蟬  
魚待著通郡小浮沈供客減時艱進退爲謀忠麻姑雪後山如  
畫且訪仙壇勝要窮

公子都梁筆有神何郎四海一吟身如何聽雨聯床夕不作看  
花鬪韻人梨几新銘翻鳳味晴窗小友拜龍賓辛夷三兩枝將

發洗盞官厨莫笑貧

曉鼓逢逢警晏安應除四壁使民看階前每欲勤移甕李下由  
來笑整冠美錦裁成新樣易焦桐彈出古音難春風自入高賢  
坐不信人間有苦寒

鴻篇秘笈溯宗周軍握還操不律侯始信羹牆真契合漫誇壺  
矢劇風流江潯穩駕黃龍舫嶺表溫生青兕裘文武成功型百  
辟園林鐘鼓樂兼收

樞帥師移營撫州奉送出關歸郡再疊何濂舫太守原韻時將

卸篆又奉檄幫辦郡事

八閩昏霧逐春開似看潼關破蔡回豈有江河千古注遽容沙



礫一時埋山迎鏡吹歡聲起花拂旌旗淑氣培司馬儀曹俱載  
筆風雲多少出羣才

玉帳來時正有秋老農炊餉百無憂青春白日天邊仗紫色蛙  
聲水上漚千騎徐行看叱犢一麾小憩聽鳴鳩連朝好雨何因  
沛定是兵戎早晚休

落照吹笳嶺上歸此心仍逐五雲飛山泉泱泱知人別樹蒹葭  
青幾日肥短堠重尋盤馬路平原更認射雕旗梅花芳訊前宵  
到辛苦天涯慰寄衣

微生早擬託冥鴻我欲休論魚與熊十載乾坤歌哭裏八方疆  
索指揮中晨趨秘幄珂搖白夕宴軍門燭炮紅小草居然稱遠

志可能結實在霜風

蘭亭繭紙問何存  
顏柳風流入夢魂  
雞鶩曩年徒結想  
驥貌滿幅亦新恩  
乍傳文采涪翁句  
儼在清高學士門  
埽地焚香供養好  
夜來虹月有奇痕

書賜聯幅論山谷詩數則

風吹文杏晝初長  
謾謾松聲似有霜  
自古神仙居處樂  
從今池館姓名香  
因來石磴紅泉路  
更憶青羅碧玉鄉  
士女歸時禽鳥樂  
汲泉烹茗得清涼

郡人送公長生祿位配五忠祠於麻姑山

似向鴻都問石經  
縹緗樓上秘芳馨  
千函快覽光如炬  
百帙重披鬢要星  
畫諾偷閒樽酒綠  
軍帷好整夜燈青  
鄉媛有路分明在  
擬對詩書再乞靈

去冬侍觀李氏藏書

春釀輕寒雪不消官厨誰敢獻胡椒圍棋賭墅心常暇曲突移  
薪額豈焦疏草催成詩競奏簷花祝放酒頻澆風雷一夕移山  
去祇有癯仙伴解嘲

謂吳子序編修

支離自笑客何人廣廈風光坐一春載米無船甯是潔入厨有  
酒不言貧齒牙少慧休談劍心手多違尙斲輪歸却牛羊仍扼  
腕登陴差喜息沙塵

峻嶺重湖路幾千斷猿哀雁劇堪憐星軺不是臨邊郡露布安  
能奏隔年別部軍威雙赤幟攀轅父老一青錢此時臨汝鏡歌  
樂草滿平郊水滿川

簪裾談笑溢言泉幾輩才人嶽與淵梁父吟懷首推葛洛陽名

隽共依錢新詞競入三分木麗思頻翻一寸田不是何郎寫飄  
泊那將繡譜盡情填

激楚長歌尺五天不堪鑄鐵憶從前別風淮兩人南北碧海神  
山路萬千蓋篋春衫徒黯澹畫船錦瑟尙輕便自知縑素難相  
比身在花時鏡檻邊

辛夷開罷海棠紅狼藉光陰一雨中安得遨頭金紫劇尙思夔  
尾唱酬通沈沈勸酌愁皆破媿媿評詩告亦忠佳客竟從高閣  
去碧雲日暮意何窮

果然無補費精神暫解金章當乞身潭水多情將送我雲山何  
事忽留人捉刀顧盼知誰主長揖逡巡竟是賓旦夕軍門鱸膾

美鬱林有石尙何貧

撫枕中宵劇不安朝來明鏡幾回看  
室皇有急曾追履同室方  
爭敢整冠延譽將爲清鑒累酬知更有厚恩難祇虞柯幹非金  
石懍懍高岡歲正寒

經緯洪纖寸疏周帳前走卒更封侯  
湖湘計日銷餘祿江漢從  
天控上流整頓王良千里轡辛勤晏子十年裘命珪相印來重  
疊並賀元戎大旆收

守盱江四月吳編修子序王大令少巖皆用濂舫韻贈句舟中  
仍步原韻奉酬留別兼呈張惕齋太守

揚州閣裏詠花開素鶴清琴共載回  
四面名山青漸識千門芳

草綠猶埋風聲頓喜狼獾遠春氣須從杞梓培京兆堂堂慚五

日朋簪幸接不凡材

斯文消息自千秋老去軍中寫百憂祇道明堂播金石那知塵

世閱泡漚孔義精蘊辭觀象編修言易之象數猶詩之比興也語創而確鄉國高年

杖擁鳩聽到柯亭當日事元臣風度貴休休

春暮江南未可歸空憐草長復鶯飛清吟幾日緣詩瘦上考他

時卜國肥課士苔痕消廢院談兵柳色映牙旗平田靈雨新霑

足歲晚幽風詠授衣

哀鳴多少未歸鴻愧我文軒忝畫熊履道敢忘冰在下懷清最

愛月當中牆桑幾處抽新綠窖粟誰家剩朽紅莫慰窮閭呼籲

苦馳驅徒自冒霜風

村舍凋零什一存空闈痛哭爲招魂流亡莫曉蒼天意蠲緩全  
憑聖主恩荒草離離溝外畝明珠顆顆縣前門用三用二誰  
君子野哭聲中盡血痕

事往紛紛較短長伊誰勁草敵嚴霜珠能抵鵲徧虞碎榛爲依  
蘭尙吐香寬大都從平世法漸摩要近聖人鄉山頭或識金銀  
氣暮夜無風室自涼

可憐劫火一番經市上魚鹽氣未馨輸粟疲氓催日日權船博  
士及星星忍教城上蘼蕪綠敢說營邊細柳青握算如何支久  
遠翻思九九見心靈

八荒兵氣未能銷嘗膽辛還味似椒乍整池隍釘屑貴新焚荆  
棘土田焦三千籍滿師方壯十萬緡輕俗豈澆馬耳東風談軌  
里尙思苦口任人嘲

雨雨風風那及人堂堂歲去惜青春士知咕俾甯稱教農到荒  
蕪孰拯貧入妙唱酬三擊節凌虛來往一尻輪是何色相先生  
曉此別靈臺不染塵

爆竹聲聲戶萬千使君自笑復相憐多情盱水留人夕絕類修  
河放棹年那有心腸如鐵石知無清議到金錢民情太息由來  
好還怕隄傾見潰川

麻源回憶酌山泉奏賦新成頌子淵清况伯夷還有粟宗風阿



堵不名錢覓裳並唱天邊曲  
襪同思江上田琴軫雙調音澹  
泊人間谿壑那能填

節操承家仰木天  
茝蘭香竟挹當前青燈修史言成萬白髮論  
兵隊領干新得雲衢應浩蕩深虞風俗益輕便此邦雖去心仍  
繫要揭義輪講席邊

三月桃花夾岸紅  
蘭橈緩撥急流中  
茲游益獲西南集  
驟別情能上下通  
肯察淵魚增客畏  
偶矜獄雀亦吾忠  
焚香埽地殷勤  
甚回首春城意不窮

玉尺纔操妙入神  
烏臺霜凜伏蒲身  
天憐江漢將施澤  
帝命龔黃出濟人  
令尹早知新勝舊  
淵源敢說主兼賓  
凝香燕寢違

勿遽且喜霖甘歲不貧

雨餘炊火萬家安鬱鬱新苗隴上看興作休忘秦板屋威儀快  
復漢衣冠牛刀絃誦知猶易兔野干城慮最難咫尺軍門龍虎  
節正憑廣厦庇春寒

頽唐老筆似莊周百里如君信可俟數罍纏綿良夜月片帆何  
娜碧天流灘聲送客還驚枕花氣薰人甫解裘篋裏驪珠三十  
二琳琅金薤未須收

樞帥師召飲晚霞樓承命賦詩適濂舫太守寄將進酒六篇未  
能效其體也

東風搖江披綺闌白波青嶂相鮮新不上高樓奏長笛梨花玉

雨徒深春謝公暇晷開芳酌飄然仍是東山樂馬曹參軍爾何  
爲一日清齋偏寂寞

次青廉訪不飲

好山出雲青不斷談笑時時驚碧漢座中鸚鵡誰少年燕子楊  
花春已半風流自有白接離何須倒著方淋漓葛疆寄語襄陽  
兒此間不減高陽池

墨池湛湛清我心練裘角扇何由尋玉茗凌寒不放萼虛堂仿  
彿聞悲吟古人已矣去不返今人對酒芳菲晚峴首羊公名不  
磨湛輩千秋當奈何

酒星似識何郎顛給渠狂喜稱謫仙胡不乘風就我飲及此萬  
點飛花邊瓊杯綺食春正好舞榭迴羅年未老相逢朗若行玉

山五百年來重醉倒

左車將軍酒中起渭南新柳爲余指風吹蕪菁滿地香猶有耕  
夫拾餘矢回谿事往毋歔歛鼃池健翼摩霄飛明年飲至拜

天子洗盞長江迎錦衣

初唐賦客尋常語孤鶩至今相媚媼晚來詩情江上高那有樓  
名不萬古茫茫錦浪桃花輕踏歌明朝舟欲行憑欄更放千里  
目噉喁猶詠春江綠

題褚千戎守然詩集

斜陽欲墮笳聲高孤城隱隱天風號入營下馬何所適褚侯一  
見驚人豪雪裏梅花幾樽酒春來畫戟千株柳如雲之氣與我

親舊律新詩擊節久自古從軍有苦樂談笑如君殊磊落要從  
競病見雄姿休向尖叉逞奇作晚霞樓外山森森鬱孤臺前芳  
草深江頭煙雨不堪望匣中寶劍知余心

寄玉山冒月川明府月川昔宰武甯與建昌鄰邑也

百里脩河春水生鄰人都識使君名桑麻在野雙旌去回首棠  
陰各有情

贛州醫士寄紙索書爲題二絕句以當紀遊

雙流渺渺送人時似笑秋來鬢欲絲乞取刀圭緣底事西風憔悴  
不關詩

榕葉陰陰荔子香火雲不斷午風涼客途倦眼渾教洗直把虔

州作故鄉

憶夢

寄身原在碧芙蓉萬仞晴霞百尺松與子滄溟共遊戲玉簫金管逐雙龍

青山如壁草如茵樹樹桃花日日春爲問排雲諸侍從青鸞朱鶴可懷人

豈知太華藕如船尙遜交梨玉液濺苦向人間覓烟火食鮭食肉總茫然

一瞬分明石上因千秋認取眼前人天風金粟香初滿且與商量現在身

代耆中丞題遮鎮軍吉安戰勝圖

長江雲黑聲轟雷潯城未復筠城頽篝火妖狐倏滿地洪虔一  
道成蒿萊江軍颯然扶義起列郡吹轉昆池灰吉州城堅賊死  
據廓清要仗非凡才遮侯家世高北斗軍中慷慨論心久幾年  
辛苦逐長蛇一面森嚴屯細柳制勝先教等憾山出奇遂爾同  
拉朽早識營平善用兵果見淮西親執醜白鷺洲下風濤粗天  
華山色青糝糊竿梯朦朧百道進日輪欲墮戈聲呼湖湘諸子  
亦人傑飛旆助我忘艱劬君能誓約同馳驅主客併力形不孤  
星霜再易歲云徂士無蟣蝨生袴襦得降昭昭示不殺設間往  
往縱所俘賊窮乃潰如猿狙奔流叫哭將焉趨我師霆擊江爲

汚高舉赤幟收鉞鉞耕氓在野紛簞壺依然千里青春蕪章貢  
之水流于于功成閱歲示我圖證諸所聞無一殊願君請纓更  
殺賊倍使丹青有顏色神州格鬪滄溟昏志士裂皆思報國盡  
誇絳灌起行間安得如公奮材力詔書異日開凌烟定寫英姿  
輝翰墨

題陽海畚所藏蔣矩亭明府畫蘭冊子

蔣侯畫蘭真國手其妙古人未曾有非徒絕代誇風姿不信空  
山之中幽谿之湄挺此含風挹露轉側高下之新枝嗒然忘身  
與可竹矩亭神亦凝於獨可憐美宦二十載曾無三椽兩椽之  
陋屋日掃霜縑走兔管屢折其肱不知肉初從琴僧壁上突覩



健筆之縱橫我爲舌僵不得贊目眇不能名去歲相逢蓋老矣  
清眸炯炯興未已許我一匹東絹須神來祇憂暮年束縛挽底  
無風雷喜君此冊珍瓊瑰灑水之山高崔嵬何不歸去鑿諸巖  
石令人千載拂拭不長青莓苔

登擬峴臺懷滌生師

西風已寥落况復上高臺文藻前遊壯江山望眼哀千林寒雨  
過一雁曉霜來歲月侵如許驚人首重回  
晚霞樓自好獨客莫登臨嘯傲詩留壁淋漓月照襟楊花如夢  
轉楓葉向人森謝傅風流劇還應洛下吟

作者千年後誰知鉅筆騰一篇奔渴驥三字側秋鷹裘帶風規

迴河山氣象增寫碑更嗚咽板蕩此峻嶒師書子固臺記並擬峴臺三大字又爲林

司馬製碣司馬撫州死綏者也

主人幸親舊雪裏洞庭船久已忘夷惠惟應中聖賢明朝泛滄

海竟日話風烟同是平原土茫茫江上天謂臨川鄒嶧峯大令

遊麻源第三谷費伯元大令招飲棲雲寺山望題京下林表雨

流水出潺潺披雲入碧山侵人惟石氣看客已丹顏瑤草諸天

外蒼松太古間詩成才子去綠字尙爛斑

飛蓋醉流霞千巖夕照斜青禽時弄羽紫菊尙開花談笑玉皇

吏莊嚴金粟家雲烟又揮手碧漢一浮槎

玉山題壁一九舟中歲暮孤詠消寒臘底旋颿或有同氣以爲後集

越酒淋漓尙在衫江樓人至盞重銜三年心跡波中石五夜吟  
魂雪外帆偶揖匡君醉金黛纔尋仙子坐松杉南來山水偏多  
韻祇愧狂歌興不凡

畫欄桂樹倚清秋記取鴻泥先後留地迴碧雲迷客思天明紅  
蠟照人愁刀環遠夢頻迴枕雪片輕寒乍上裘鏡水蓴絲吾舊  
宅綸竿何日共扁舟

東河絕句

二九

盱江自廣昌來獅江自玉山來合流於餘干入彭蠡西江之東河也

前溪後溪照眼明丹楓無際秋有聲漁人祇說桃花艷那識霜  
林送我情

潦水已落寒潭澄細細游鯈傍棹行陡憶畫船天上坐春風吹

笛快詩成

眠水狎鷗忽不耐停橈徑去白雲隈山陰豈是無遊興且看黃

花載酒來

幾年不上瀟湘船芭怨蘭哀夢裏天十幅雲帆五尺水餐霞煮

石我依然

獅山九疊開雲屏遊人倦眼江邊青風流何遜爲底去憶爾高

歌接渺冥

濂舫甫去河口

萬山霜氣衣衾冷片月灘聲羈枕孤紅穗披殘百縹帙綠醅傾

盡雙玉壺

今朝下瀧人意歡白鷺飛起入驚湍動地悲歌昨日事不堪回

首上瀧難

雲日入火西南天高臺朗詠詩八篇雪花蔽江一舫北奇絕平生山水緣

康山不改青峨峨蒹葭已盡鴻雁多放櫂休比元漫叟泛宅真同張志和

鄱湖阻雪 三九

人生幾番雪歲歲落江湖關塞黃雲困功名綠鬢輸旅情沙雁共晚節嶺松孤何處吹長笛龍吟壯與俱  
莽莽魚龍外弓衣幾許寒蚩尤增毒厲銅馬未摧殘決勝明廷策臨危上將壇戎機籌已久要識寸心丹

片片壓艨艟長江鐵鎖雄鴻溝千尺浪天塹一帆風此策南陽  
建羣才北地空况聞淝水戰子弟告成功

填胸算今古那見此遊魂羅綺六朝斷風霾十載昏居然成鼠  
竊祇是遏鯨吞獨任朔方將吾思叫帝闈

臨淮星隕隕摧折到於今鴻鵠羽毛盡虬螭窟宅深狂飈靈壁  
撼冷日壽陽沈天末愁明遠蕪城莫再吟

滇黔消息渺盼甚故人書尙爾潢池弄當聞非種除牂牁流不  
斷藤峽信何如五詠巖前宅梅花憶有餘

親藩挺人傑爲國實天生蛟虯千羣翦風雷一疏鳴滄溟從此  
挽砥柱莫教傾太息臣陀地由來欲弭兵

自古逢多難扶持定有人衝天何磊落鍛翮太紛綸江漢經營地乾坤屬望身驕驕鳴未老萬里躡風塵

片帆飛木葉一棹採蘋花湖海仍如客風烟那有涯開樽辨清濁說劍懍干邪絕好廬山色誅茅可問家

有底瓊瑩落風聲遽爾狂冥心原介石憩影卽空桑冰雹乘除候鷓鴣擊搏場之而前夕夢霖雨豈蒼茫

康山忠臣廟

白波接天沙鳥飛斜陽紅上賈客衣菱歌漁唱盡愁思指點朱  
蕞凌翠微玉樹沈沈王氣啟大功坊前野花發祇有丹霄一寸  
心江月湖雲俱不滅昨夜靈風滿壑哀滄溟知控玉虬回尙憑

英烈潮頭氣天塹沈霾爲掃開

發饒州

急浪遲人來青山照客回王程雲外計詩思日邊催花柳春猶  
閉旌旗凍欲開珠簾高閣捲宿鷺且徘徊

此出竟何事悠悠雲水間誰云苦形役亦欲濟時艱一棹本吾  
素三冬當里還華堂有明鏡試照別來顏

湖中詠雁

入暮鳴何急凌晨飛不前稻梁能幾許結隊在寒天  
雲沙漏春信拍翅又遙飛歲晚人蹤滅冥冥暫息機

娛園曉起

辛酉



橫階菊影弄秋涼  
殘月猶明宿露香  
萬朵芙蓉更含笑  
花間不見主人忙

夢中

我亦已茲枕中客  
看人得意上南柯  
莊生豈是迷蝴蝶  
殘月天雞奈若何

娛園再用前韻

炎風吹盡月華涼  
纔見梅梢一萼香  
紫蝶黃蜂春意逗  
鵲雛守雪不知忙

春不映出來青

然

交風如盡日華京

越國再用前贈

聯吟苦

好亦且茲林中容

中

長生人

豫章集一

有冰成物已餘明前靈香萬朵芙蓉更含笑芬間不

温

也

養拙齋詩第四

臨桂 王必達 質夫

豫章集二

迎春

用己未建郡迎春韻

壬戌

銀海光寒眩欲搖  
謝莊衣上六花飄  
卅年作賦才空盡  
夢想鑾

坡拜賜貂

余十三齡時

嚴親命作迎春賦

雲開脩水歌  
鏡日凍解麻源授簡時  
又看梅花拂旌旆  
冰霜應減舊丰儀

署中校射卽送何鏡海之軍

細雨如烟不動塵  
今朝鈴閣乞閒身  
始知官柳多情緒  
駘宕風

前樹樹春

出火生風往事非三衢又報合重圍據鞍看子堂堂去倍憶南

山短後衣

送馮學使試饒州

鏡吹下芝陽川晴草木香七城時雨潤十載惠風翔

饒州停試十載矣

麾鉞羣公奮濤瀾巨浸狂康郎佳氣轉意逐水天長

至清堂走筆和曾佑卿太守韻

如雲燭氣萬枝紅人在冰壺藻鑑中廿載秋香重回首硯池輸

向玉堂烘

題曾佑卿太守桂林秋月圖

臺臨擬峴春如海山對麻姑雪滿天今夕江城好風月詩情猶  
憶五年前

小山回首月華涼碧玉青羅是故鄉誰向如來證金粟憑君高  
詠管天香

公解無事植菊數種得四絕句近閱茶山老人詩欲效其體而  
未能也

隱几冥然太古初空齋夢醒更遽遽筆床茶具我家物誰道黃  
花澹不如

小屋霜團冷逼晨疎黃淺紫一番新滄桑老眼渾如霧莫向西  
風憶故人

聞道鄰家朶朶佳簾衣鏡檻早安排書生寒素花應笑尙把深  
杯未肯齋

瘦影寒香最有緣蛩吟蝶抱已三年杉湖舊宅秋容老擬和淵  
明飲酒篇

炊煙

溝壑吞聲介冑飢八荒何限草離離虛簷風撲炊煙過章水干  
家飯熟時

拈九青韻得四律

東湖霜氣淺十月柳搖青來往無高詠浮沈尙獨醒朔風燕市  
酒微雨楚江舫忽憶曩時夢鴻飛極杳冥

徒爾疲冠蓋奚如樂簪笄白鷗垂釣舫紅葉讀書檣碌碌成何  
事踈踈走不停解嘲休浪作肯負子雲亭

渾郭逢當代塵寰眼獨青終期倚長劍莫自慨浮萍薦士章頻  
上歌鏡曲快聽羣公多授鉞談笑豁畦町

北去江雲黯東來瘴氣腥忍聞凋士卒敢說憫生靈擊楫心如  
日揮毫鬢漸星無才空仰屋蘿薜擬深扃

題桃花楊柳畫幀爲喬瀛槎太守作

癸亥

好對東風把玉卮嫣紅片片綠絲絲披圖忽憶逢韋偃插雪蒼  
松絕代姿

浮家早在白鷗邊兩岸芳林一葉船把臂期君逐雲水春風何

處不遊仙

題陳石逸大令百尺樓集

十斛案頭塵昏昏汨性真風霜經世事燈火夢前身陳子幸同

調高文迴絕倫唱酬期歲晚湖海最相親

絕域鯨鯢狡潢池瘴癘深休徒三太息試復一長吟躑躅簪毫

意蹉跎按劍心高歌開後集史筆句中尋

題張梅生大令珠江侍釣圖南山詩人大令之祖也

泊江有仙吏詩思比江清少小傳家學風流繼政聲自調琴軫

雅倍念釣竿輕半幅煙霞裏依稀見老成

宦成詩復美世比白香山過眼雲千疊忘機水一灣桐枝新茁



秀箬笠老逾間此境浮家異詞人命豈慳

袞袞誇鐘鼎青青照鬢絲九州當日伯鄉里等閒兒那解卿慚  
長何如鼎說詩一門擅風雅淑艾亦吾師

天風吹鏡水舊是釣遊鄉可惜煙波遠空餘草木香披圖君最

樂數典我難忘各有尊鱸興江湖又早涼先大父舊隱若耶溪予未之能從也

題李小寶西山招隱圖

今年猿鶴不驚秋山自孱顏水自流付與龐公樂栖隱携家富  
作鹿門遊

杉湖自有屋三椽手種松篁欲倚天昨夜短檠孤夢裏棕鞋踏  
破碧溪煙

題鍾仲甫觀察小照

堂開綠野告功成  
異日園林更寫生  
憑藉丸泥支大厦  
誰知巾扇此時情

論交樽酒兩心丹  
四載光陰付指彈  
愧我重湖盡鴻雁  
欲教鄭俠繪圖看

王公山澤態能兼  
謝傅風流在筆尖  
可許徜徉稱二老  
雲松百尺照蒼髯

題李芋仙小照卽送之皖

狂歌那顧世人驚  
尙許高齋對短檠  
木葉西風明日冷  
不堪載酒送班生

赴饒州

頻年苦被簿書圍乍泛清江挹翠微浩浩乾坤原不隘悠悠雲  
水更忘機官箴最合書知止辭句猶慚賦昨非自覺虛舟甚容  
與來帆風滿迅如飛

仙源路熟辨來時鴻雁迎人豈有知

己未會  
至郡

計日况聞扶父老

此邦何術挽瘡痍十年霧雨溝中瘠萬竈風煙境上師兵氣漸  
消民氣靜草生花落是心期

明湖如鏡艣聲柔雲影天光豁遠眸差喜魚龍安大壑且陪鷗  
鷺過前洲蒼茫吳楚思高詠浩渺沅湘憶舊遊爲語南山須記  
取待輸片石送歸舟

五  
縹緲孤山咫尺邊欲隨漁唱出江天  
麻源舊夢三冬雪彭蠡新吟一櫂煙  
文采尚存清遠跡風流誰繼仲淹賢  
抗懷今昔難爲治敢信芝峯瑞草妍

鄱湖絕句

雲霞付與自天公路入仙源面面通  
鼓柁低徊望脩水湖西花

片接湖東

昔宰建昌在湖之西

小姑沈沈隱暮煙康郎一角早霞邊  
雙丸出沒蒹葭裏難語漁

人水外天

父魚刈葦是生涯百里茫茫見幾家  
尚喜澄波隨意宿年來折戟不沈沙

景德鎮

地控東南百戰經  
萬家烟火尚亭亭  
甲兵壯挽天河雨  
牙纛光聯上將星  
霜暮山容新帶紫  
春來水勢遠浮青  
頻年大府勞籌策  
車轂匆匆兩日停

浮梁縣

天寒山鬱四圍雲  
城接寒山黯不分  
千里蓬蒿通帶水  
一方壁壘壯孤軍  
龍蛇歲換人何在  
雞犬聲沈午不聞  
却憶清時琴韻好  
風流誰及大馮君

子良先生曾宰斯邑

贈唐聘三司馬

元方久欲拜君家

謂印雲先生

司馬清才足五車  
官暇寄情多翰墨

時危此地幾蟲沙邊隅忍說春無草歸路欣覩雪有花列幕相逢皆故里正宜談笑醉流霞

石門道中

非與窮黎接安知生計凋蓬蒿天蔽景麩麥雪無苗溝壑奚能起兵戈况未銷邊隅塗炭極豈止慨蕭條

薇蕨荒山盡鳧苳野圃空阿誰實司牧詎合問天公

飢民食草根將盡

春雨犁翻綠秋林飯煮紅芸生得如此罪戾免微躬

大府至勤劬艱難策早紆鄧攸剛載米鄭俠更陳圖試述顛連狀惟應涕淚俱焚香籲蒼昊芻牧得還無

昌江雨中

水氣霏微接遠岑孤帆漠漠逐雲深  
瀟湘舊夢渾重入猶記當年聽雨心  
蕭蕭故壘水雲隈十載銷沈幾輩才  
欲採蘋繁無限意靈旗縹緲踏波來  
滂沱總不到荒蕪百里流亡骨已枯  
愧煞隨車望甘雨只憑雪涕對窮閭

七月十二日敬作

祝嘏

甲子

朝陽彩上萬年枝正是甘泉捷到時  
六月克金陵四海歡心承藻火  
九天瑞靄煥杲恩和聲幸見中興日  
戮力初酬陟降知周召親賢堯舜樂  
深宮歲歲奏咸池

題王子敷司馬小照

先生寄傲瀟湘上我住湘源雲水通  
世事幾人驚化鶴湖濱何意對哀鴻  
談深憂樂懸清夜宦拙從違抱素風  
八記山川應似昔幅巾杖履有時同

大人來郡夜迎至夏步口

扣舷涼夜出江濤漁火茫茫露氣侵  
泛宅真爲五湖長望雲乍慰兩年心  
舵樓人語風潮淺野岸雞鳴荻葦深  
莫負時清還學古好將詩禮試彈琴

已未以後同人筆札往來甚盛偶檢及之

郁公筆勢盡凌雲十萬蠻牋贈答勤  
鴻雪幾年迷舊跡嚶鳴尙



復見斯文重湖秋晚來帆迴荒郭山低夕照薰強欲臨池毛穎  
禿那堪江海久離羣

馮子良先生寄詩索瓢兒菜卽疊其韻

高吟不受俗流嗔莫向先生話積薪蒿苴乍傳新句健萑花應  
笑故人貧試嘗老圃三冬味原是詩翁萬畝春

先生曾署饒篆

可惜趙

衰空見愛連畦無雨枯槁頻

時苦旱

水雲相戀不相嗔黯黯憂懷免徒薪忘肉怕同曹劇鄙食鮭算  
到庾郎貧羊來小圃眞無夢鯖出侯家別有春菘萑憑君商早  
晚回頭齏粥味嘗頻

孟冬祈雨城北

荒城獨樹紅暝色萬家空秋盡新霜薄春行暖日烘陵陂連草  
瘁澗谷少泉通奚術迴恆燠化離懼未窮

迎春

乙丑

紫葢朝來拂惠風芝山佳氣碧濛濛從梅柳探消息春在兒  
童笑語中

今年先卜麥秋豐菜甲連畦倍鬱葱六出花消徧含潤恩慈端  
合謝天公

自章門返郡

曳裾辭大府建旆指荒城日暮碧雲合雪消春水生倦飛孤宦  
意惜別故人情一片西山色依依若送迎

一日恰偷閒輕舟帶病還寒深紅燭夜夢穩白雲灣文字難除  
癖琴歌試破顏芝陽嵐翠滿看比故鄉山

章鄱舟中作

江上層冰欲泮時人家寒色隱茅茨荻芽未茁沙禽伏惟見枯  
林入畫枝

七年重泛康郎棹不辨風煙路幾彎曉上危樓窮遠目依稀醜  
酒對君山

櫂歌宛轉近黃昏遠渚依微指幾村莫道人煙太蕭瑟此間花  
草類桃源

出湖爲蓮河頻歲無賊

芝嶺高如擁螺髻閣山澹似列脩眉虛堂自足迎朝爽且賦焚

香掃地詩

苦雨

前月孤帆漠漠回  
愁淋不斷水雲隈  
誰家岑寂還春色  
如雪辛

夷一樹開

麥爛遑云穗兩歧  
青青色頓減陵陂  
可憐百拜靈湫下  
喜極纔

哦白戰詩

郡齋春日偶憶京門

排風曾擬逐雷車  
柳色鶯聲閱歲華  
詞翰飛揚猶結習  
湖山寂寞是生涯  
荒城雨過新抽麥  
僻巷春深乍見花  
渾欲卧遊非卧  
治蕭然素壁弄雲霞

用前韻上定甫叔

崎嶇三楚返輶車  
簪珥勞深鬢欲華  
戈止潢池天有悔  
航浮絕域水無涯  
憂時極諫風生草  
退食閒吟月照花  
還卜音聲思內相  
山中莫便老煙霞

梅溪曉發

丙寅

風隨初日上帆逐  
片雲西戍鼓津邊  
斷明缸帳外低何  
人談塞馬無意舞  
宵雞朔慶堂前樹  
花開伴我棲

章門返棹

夕陽芳草最多情  
似送歸橈緩緩行  
昨日春寒猶太逼  
欲將風雨試秋聲

披吟一幅一悠然魚目明珠漫鬪妍自笑膏盲託泉石傍人錯

比米家船

夜來柔艣響空潯曉見康郎濕翠深湖上天光春倍潤一家久

住水雲心

誰云燕寢是仙班棗牘難偷一日閒但有冰心飲鄱水絕無塵

夢到西山

周松亭先生贈畫

扶筇緩度小橋來萬壑晴雲傍晚開盡豁軒窗窮遠目何人辛

苦覓蓬萊

高閣雲嵐

葉葉雲帆去不休何如竹外弄漁舟孤吟似與梅花約一樹垂

垂欲白頭

扁舟泉石

鐘磬泠泠似有聲  
綠陰如水入門清  
老僧心比閒雲靜  
不向高

峰杖錫行

綠雲山寺

賦詩曾擬續斜川  
休說家無下瀝田  
但願平蕪春盡綠  
杏花紅

雨自年年

紅雨江村

迎春疊建郡韻

丁卯

冰痕欲泮水光搖  
五嶺晴雲細不飄

郭外山名

湖上羣鷗知氣暖  
飛

飛似欲傍金貂

平田漠漠初消雪  
正是滋培長養時  
灞岸梅花漢陽樹  
那堪旗

鼓建威儀

時秦鄂皆用兵

江聲西接嶽光搖十萬紅旗凍不飄澤國漁簑又春雨漫思七

葉侍中貂

番君不作希文去丰采誰能照一時回首東風平野句天衢毛

羽早爲儀

荒城殘雪梅花冷平野東風菜甲柔李肅毅伯和建郡迎春句也

宴客

高簷細雨覺春歸喜接金卮酒力微送客捲簾宵未半雪花寒

照燭花飛

上元日由學使署移入郡廨因偶病晚出

書軸琴絃家具移葛洪倚徙尙多時黃紬自笑排衙晚華燭渾  
如納卷遲此地停雲原作客今宵明月正催詩濱洲門外凌霄



塔穩穩風帆十幅吹  
老親將至

贈修梅禪師並示楊茂才少文師善畫梅

頻年困俗塵酬贈不停手當其箋奏忙潑墨幾盈斗何者弗厭  
數故人而祿厚裁對一不當如聞龍象吼硯池竟欲焚君苗笑  
有偶清風西南來新語發天秀問是何人書大師得無垢寫贈  
空山姿梅花和雪瘦見梅如見人持律真不苟和南答僧寮蛇  
蚓自忘醜殷勤書再至牟尼一串走何時屏冠蓋相與話林藪  
但叅遠公禪不思陶令酒所好獲從吾定應免厲詬哦詩當復  
章並示同心友

題梅花畫卷

寒花亦自占新春雪後園林不染塵  
倘遇逋仙來索笑冰心猶可證前身

十年幽夢費徘徊如水明蟾望我回  
閒伴梅花饑可樂清風況

有竹林杯

定甫叔愛畫梅時方在籍

題上官竹莊水石幽禽圖寄定甫叔

絕無人跡晚烟霏兩兩幽禽得所歸  
應歎賓鴻難斂翼雲羅萬里倦猶飛

晴雲片片警家洲  
灘鷓鴣自在遊  
更羨松陰閒白鶴  
露華清占九霄秋

卽事

六月二十一日

萬頃平湖一鑑光  
依稀圓嶠水中央  
疏簾清簟風徐過  
送到荷花冉冉香

花冉冉香

甥女遽寡疊韻慰之

帖子宜春喜未除  
那堪簫鼓憶青廬

乙丑嘉平月為甥女贅南昌胡茂才子齡余題其粧

閣日端莊青玉案敬慎白圭詩紙墨猶新也

曉窻遽見悲明鏡  
東觀方期讀異書  
阿

母命窮還勝爾

姊氏年三十六而寡甥女年二十一而寡

遺娃弱極欲何如  
木樨香

裏秋重老腸斷  
當年拜素車

歲歲木樨香涕淚灑簾幙姊氏寡時余所賦句

憔悴人歸白玉除  
春山何處共遽廬  
渭陽更灑平生涕  
女史無

慚往日書廿日  
關河悲渺若

七月十三日子齡赴試八月初二日卒

百年更鼓聽

統如明時有道空  
惆悵痛爾初心  
挽鹿車

卽事

秋聲蕭颯入虛櫺  
白葛衣單扇乍停  
似有老翁求判牘  
夜涼翦燭寫蘭亭

閱畫二首

忽向山陰道上行  
無邊嵐翠暗還明  
幼輿祇合棲巖壑  
坐起迷花倚石情

欲買山歸橐尙慳  
且從畫裏覓青山  
官家事了添燈讀  
恍似金多身復閒

柬高碧湄

仲武才名廿載間  
蕭疎兩鬢未應斑  
近聞骯髒初迴棹  
遙想沈

冥獨閉關巖壑遽宜存遠志風雲尙欲動人寰悲歌砍地懷前  
事夢裏脩河萬仞山

蹄輕耳峻大宛馬日朗風和修稷文幾度清吟如隔世十年拙  
宦久離羣徘徊湖上思芳草灑落山中看白雲豪氣相逢應並  
滅蕭齋一榻欲迎君

楊少文代余索得三僧畫卷適黃芾村孝廉至留飲並題

支許當年締勝遊松寮近事極風流塵緣俱向詩中盡禪悅還  
於畫外求小閣新寒樺燭炮重湖欲雪暮帆收高人更與黃香  
接一夕清樽樂唱酬

夢中作二首

葭菼清溪似故鄉  
閒憑水檻幅巾涼  
姓名尙被漁樵識  
自笑塵

緣何日忘

夢臨高閣有客指余曰此養拙道人也

峻坂長驅芳草深  
五花名馬價千金  
顛毛乍白髀生肉  
尙憶驃

姚萬里心

夢至建昌縣官道昔年戲馬處也

陸心農自杭來留飲賦贈

小閣寒天酒意微  
故鄉情話最依依  
舊巢初定人還出  
長鋏仍彈計未非  
彭蠡雁來霜葉脫  
孤山鶴去雪花飛  
男兒自有終纓

志莫憶刀環卜早歸

戊辰迎春再用己未韻

戊辰

歡拈綵勝筆新搖  
昨夜南枝雪點飄  
寒氣已隨兵氣盡  
新陽更

爲試禴貂

欣從三益論交地

顏魯公范希文王十朋爲三賢皆饒守也

又見千門引領時  
芹藻

應先梅柳綠泮林  
簫管望來儀

學圯久矣擬先修之

白郡赴章門舟中作

湖上禽魚最有緣  
風吹畫舫又翩翩  
迎眸山色青於昔  
入鬢霜痕白似前  
大澤荏苒新息警  
陵陂蕤麥盡抽妍  
宦情贏得民情樂  
碧月明燈五次圓

憂危豈是抱義經  
荏苒名場閱一星  
峻坂鹽車何碌碌  
春風喬木自亭亭  
懲驕新篆腰間佩  
養拙仍懸座右銘  
長謝弋人弓繳巧  
碧霄無際付鴻冥

北望煙塵鬱未開  
新傳軍令肅雲雷  
河汾卒業皆王佐  
管樂論勳尚霸才  
殘雪梅花哦贈句  
仙壇山翠接啣杯  
風流待與漁樵說  
學劍初心已漸灰

敢幸鷓鴣託一枝  
寰瀛氛祲未銷時  
豈忘新膽甘臣辱  
無那江湖結主知  
幾輩狼狽終就戮  
中朝鸞鳳正為儀  
名山遽返華陽叟  
叢桂連蜷獨賦詩

謂家通政叔

### 章門返棹

帆指江城隔歲來  
晴光南浦宿雲開  
畫欄酒熟同攀桂  
梵宇春深未落梅  
尚遇人民談往事  
屢隨公讌接羣才  
交遊新舊情皆重  
斲醉中山未擬回



雁聲晚帶雨聲高  
草色初青水半篙  
廿日萍蓬真忽忽  
百年舟轍總勞勞  
名心合比琴音澹  
故態休如劍氣豪  
昨固甚非今未  
是春風回首悵林泉

舟夜與楊少文李鐵帆兩君共話

畫舫雨瀟瀟  
春寒助寂寥  
湖天雙塔近  
匡阜一鐘遙  
懷古情何極  
知難意漸消  
同心多苦調  
更聽笛聲飄

西山青萬疊  
山外是君家  
綠繞當門柳  
紅垂四壁花  
歡懸徐孺榻  
擬拜仲弓車  
百里休回首  
春雲路未遮

謂少文

仙吏兩傳尊  
名山空對門  
丹青得神助  
清白至今存  
薄宦家千里  
同舟酒一樽  
訾洲好煙雨  
瓢笠共晨昏

謂鐵帆

仕本因貧出親安無所求何心甘四考託足十三秋魚鳥吟邊  
狎雲煙畫上收江湖春水濶久擬奉歸舟

步少文贈韻兼柬脩梅上人

筆勢翩翩不喜平蓬窗好句最清輕寒潮細雨三更送曲徑飛  
花一笑迎且對山川同嘯詠未須令僕始勳名詩成那用傷遲  
暮卽聽焦桐出異聲

拂拂寒香紙上衝脩師畫筆走虬龍爐邊漫食新煨芋枕畔頻  
聞欲覺鐘人判仙凡難作侶禪兼南北定稱宗笑將蓮幕如蓮

社並望廬山雪後容

脩師將駐歸宗寺

步鐵帆丈贈韻因憶劉玖石同年

荒城契合一番新  
彭戴原來是舊人  
絳燭更聽遙夜雨  
芳蘭纔

占梵宮春

同寓長壽菴

試談琴酒還山樂  
頓覺煙霞入夢親  
却憶故

交滇海遠亂離消息苦  
難真未願博五命

校士芝陽書院因憶傅嵩琴楊子受三故廣文

甘苦風檐廿載嘗  
蠶聲尚覺筆端忙  
一麾政在湖天拙  
五度春

生翰墨香定有名才承絕學  
欣看童子漸成章  
分陰合共前賢

惜異日論文最不忘

廣文歲月異諸公  
那便驚波逐疾風  
姓字方期循吏傳  
煙蕪倍

悵素王宮

方議興學

芭蕉經雪牆頭綠  
桃李迎春廡畔紅  
景物未非

僚友謝自慚廢學象童蒙

連雨不止十六夜起視祀事忽見明月與中得詩二首

簷溜聲敲冷逼燈那知夜靜月華升賞心偏自無心得朗照檐

帷前後乘

幾日陽烏曜不升廣寒宮闕更何憑九霄此夕浮雲盡試喚吳  
剛定笑麈

郡齋夜坐案有水仙

形影夜俱寂官居亦隱淪燈知人澹泊花比玉精神執筆書難

古哦詩調易新寒香期靜伴未願動征輪

三月初八日作

甯恭人新逝

黯黯江城暖未烘河陽衰鬢欲飛蓬可憐風雨凋零後尙見桃

花一樹紅

前朝老柏偃虬枝似有蒼蒼萬古姿  
雪苦霜辛滋味飽傷心獨秀歲寒時

鳴山柏一株數百年物也

三月二十二日作

回首前塵事總非河山滿目淚空揮  
花枝遂與人俱盡春色仍逢雨送歸  
夢轉幽宵徒倚枕寒生清曉自添衣  
鏡湖新水盈盈綠枉說輪竿拂釣磯

鏡水葦絲吾舊宅輪竿何日共扁舟已未冬在玉山贈內之句

閩人賴小梧爲余寫真是日適得顧見龍蘭亭圖陸包山赤壁圖玩味之餘轉增太息距悼亡之期蓋八十餘日矣

人間風日尙清閒佳士相逢偶破顏  
慘澹自憐孤影瘦蕭疏誰

惜鬢毛斑蘭亭感慨今猶昔赤壁風流去不還脩短盈虛原一

瞬幼輿更擬住青山

過芰湖

六月初七日

年時小閣納涼風扇素羅輕選句工十畝荷花亦憔悴傷心不

照玉池紅

偶成

渴聽瓶笙咽幾回千峯送雨願聞雷新涼一味難消受莫道西

風最易來

入夜風簾更上鈎聲來高樹乍颼颼不須萬里黃塵熱方念山

中桂子秋

湖上阻風

蘋花菰葉最含情似繫扁舟未放行  
官閣文書堆幾尺何如雲水對光明

投籤不待當關報紙帳偏輸睡味長  
晝伴眠鷗無夢擾任人炊熟幾黃梁

畫船新水三人坐靜夜哦詩燈並挑  
木葉初飛雲已散篷窗獨聽雨瀟瀟

湖上萍蹤十五回西風白髮老相催  
煙波最是前秋樂笑煞鮎魚並櫂來

郡齋二詠

頓覺秋光入鬢華  
隔牆紅見拒霜花  
娛園萬朶吟懷少  
不及西

風水一涯

木芙蓉

山城宦味誰云薄  
六次蔬香白玉盤  
羊酪純羹豪氣盡  
樽前風

趣足清寒

瓢兒菜

題畫

纔聽梧桐雨  
滴疏秋光欲返野  
人居關心便到梅花發  
雪入重簾翦燭初

夢得白雲茅屋二句醒而補之

客去堂虛倦且眠  
青山滿眼夢魂邊  
白雲茅屋吾將老  
靜聽鐘

聲二十年



九月十八日追錄去秋是日一絕句

是日爲甯恭人生朝

作歌難比五噫工澹泊襟期與子同小閣黃花新露裏年年樽

酒照顏紅

丁卯秋恭人疾愈而可憂實甚小閣年年二語非欣詞也

仲杏園大令來饒過其寓廬話舊言懷

春波畫舫各乘風壯歲相看氣似虹萬里川原徒櫪馬十年毛  
羽幾遠鴻閒窗茶熟煙飄白小檻花寒雪欲紅簪紱林泉須自  
審天涯未擬作衰翁

新購端硯宣紙識以二詩時小寒前一日

東谷共水人問墨

誰斲雲根一片青圓規方璧各成形平生長物無餘玩此夕文  
房頓擬銘磨盾功名慚壯歲挑燈風雨憶韶齡堅凝似汝應難

朽白首相期翰墨馨

硯

十萬麻牋寫未曾縮蛇紫蚓自看憎祇宜點畫穿宵被那許淋

漓拂剡藤繭紙新臨啜覆瓿

方得蘭亭

金壺乍凍欲烘冰人間墨妙

將誰乞應有芭蕉屋裏僧

紙

入覲有期迎春再用己未韻

龍池裊娜柳絲搖百啣鶯聲雨細飄待向瀛洲詠春色輕寒不

上侍臣貂

來逢白雪荒寒際去是青郊罨畫時蜀錦年年紅不改可從花

發想風儀

郡有蜀錦亭植海棠一株為范希文作也

元旦詠紅梅己巳

百花頭上合稱王直把鞋紅壓洛陽多少胭脂能畫出丹心一點倍含芳

樂奏鈞天駐日車手持紅艷醉流霞瓊林絳雪春如海更遇仙人萼綠華

開篆口占

時將卸篆

此印摩挲久猶餘一拜緣當躬雖任事炙手未憑權憂樂頻移歲乘除合俟天黃金如斗鑄懼說肘間懸

將詣仙壇觀東王德脩羽士

觀在風雨山之陰爲仙人王子高宅有石泉經冬不涸

角根道妙非研精神仙一夢偏分明子高之蹤在吾郡九霄風世鷹同聲靈峰日日送朝爽吏舍年年跼鞅掌豈似三山輒引

迴須知五嶽將欣賞洞口碧桃春幾家道人休爲掃落花鳳笙  
麟脯知佳否自汲新泉漱齒牙

鄱陽陳明府遂生與余並薦入都余先北上賦此爲別

濟濟朋簪盍淵懷重太邱神明存澹泊悃悞見風流經典時徵  
考民依輒講求交深言不淺分袂兩綢繆

百里流亡後遺黎剩幾家山空無橡栗地澗關桑麻蓄害天爲  
減絃歌戶漸加循良今卓魯附驥我羞誇

每值彈冠日同思策蹇年一官初念恪七載素心堅農饁春多  
雨漁歌水似天民情茲尙樂別意共欣然

交遊京國盛都望故人來我去春三月先銜酒一杯綠槐金勒

繞紅藥玉簫陪九陌芳塵裏思君首重迴

出郭詣仙壇觀歸途遇雨

農功未動田水足陵陂短麥油油綠天桃幾樹圍村家姪女騎  
牛紅映花山氣濛濛漸霏霧松林杳靄疑無路豁然靈境出幽  
岑彷彿漁郎曾問渡

白雲縹緲迷黃鶴青山猶自餘樓閣前身記拍洪崖肩三疊琴  
心成大藥一泓圓跳千明珠赤鱗掉尾如江湖碧琉璃碗親掬  
飲洗罷靈芝香在無

泉水極甘中有遊鯁殆神魚也

眞靈爲我除氛埃歸途雨逐長風來兩掖冷然欲飈舉新詩頓  
覺天相催千峰合沓雲不開紫金蛇掣聲殷雷淋漓一幅元章

畫翦向蕭齋壁間掛

稚川勾漏留丹砂麻姑白蓮春作花平生屐齒屢奇絕知余結  
契多青霞萬里江山目更縱此間鑪井繁幽夢交梨船藕憶前  
遊天風鶴背勞迎送

去饒州

養花時節雨還陰料理扁舟鶴與琴自覺蹉跎虛逝景祇期安  
靜抱初心訟庭事減官方拙比戶春迴樂意深七載 皇恩艱

報答桑麻猶自起謳吟

此邦遺韻溯三賢嘖嘖希文事最傳爲役無能空望古明揚有  
典敢居先蒹葭夜雨來時路桃李春風去後天木石關情都惜

別從今夢繞蠡湖煙

感懷

布帆二日東風便卽看  
西山映曉霞無那湖邊春正好  
新鶯啼放半城花

青韶重入去年枝  
依舊嫣紅驪雨絲  
祇有玉人呼不起  
蘆簾紙閣獨吟詩

題周松亭先生獨立圖

先生善畫鄱陽人也

相逢畫與人俱老  
已去倪迂五百年  
宗派紛紛說南北  
先生包掃出雲煙

礮礮移情亦偶然  
平生青眼對山川  
洪姜幾輩才人盡  
風雨乾

坤孰比肩

郡城內民家有海棠一株花時屢過其門未一賞也去郡之前

一日乃詣花下

紅芳屢認隔牆枝乍謝東皇慰所思雨意似憐移櫂速風光未  
覺倚欄遲何人良夜燒銀燭半日春城把玉卮擬豎花旗深護  
惜明霞照眼再來時

章門雨中作時甫卸郡將之京師

春深別意動江關淡雨濃雲縹緲間照眼芝陽山一角那知平  
遠是西山

豫章集二終



溫州府 圖 卷 終

溫州府圖書館